

247  
13


槐南集

六

249

313

槐南集



槐南集卷十六

東京 森大來 公泰

甲午

元日墨上偶占

破曉春風甲午年一尊吹笛綠楊船詩情合自聞鸝始  
水意誰知讓鴨先暖想驛亭花滿樹莽看塵海浪滔天  
江湖那似漁家樂明日湘南槩劃煙

開春二日大磯招仙閣賦呈春畝相國

洵綾煙水蘸霞明春服萋萋來趁盟海嶠晨曦排翠髻  
洞天靈籟韻瑤笙百年台鼎憑誰變一局仙碁亦已贏

鶴散鷗閒皆舊侶，驂鸞縹渺下滄瀛。

自大磯返疊元日韻

屈指從頭卅二年，生涯忽憶五湖船。都因白屋迎春晚，卻被青山破笑先。雪裏鴻泥尋夢地，鏡中梅月鬪寒天。歸家未盡剡谿興，香動詩襟一半煙。

人日星社小集用石埭祭詩韻

漸覺風懷遠，少年歡場意氣尙公然。百觥浮海春無極，羣俊如星酒有緣。曠世各須成獨往，奇才豈可乞人憐。草堂莫笑辛盤小，此道惟參一味禪。

新春送阪本三橋歸任岡山縣

才人乃能吏，山色碧隨車。鹽鐵推崇論，河渠援舊書。鶯花春取次，風月政何如。臨別無多語，莫令忘緒餘。

雁來館小集與三橋話舊次中洲翁韻

詩品前身月花香，一榻禪春風吹往夢。錦瑟憶華年酒，醞雁來館柳濃。鷗渡煙蘭繞，沂洄處側帽抵神仙。

二月十四日永井禾原爲亡友林櫟窗開薦筵于湖心亭招集同社諸子席上作一絕句

春腸重斷小西湖，鶴子飄零夢亦孤。一束生芻淚如霰，玉梅花下祭林逋。

恭紀大婚二十五年盛典七十二韻

一系乾坤正重輪，日光儀刑崇內訓。禮樂耀殊方，曠古誰堪匹。中興乃克昌，三千年寶祚。廿五載鴻慶時節，過修禊鶯花繞，建章晴絲隨。綵仗細柳，冒銀潢霽宇。芙蓉時，觚稜鳩鵲翔，翠華臨桂殿。厭翟啓椒房，黼坐螭坳。近金根雉尾，張百官來式序。萬國共趨踰清廟，修禮祀中壇。奠鬯薌祈，祈知夙夜肅肅奉。丞嘗昭絜蠶俎，具歌馨福履。將細縵朱火燎，奄靄翠帷颺。玉籥陳雙朶，朱絃響四廂。靈來般裔裔，神保穆皇皇。河酌五鈴水，親登九醞漿。袞龍何肸飾，禕鞠更輝煌。顯相承純嘏，誠虔格上蒼。休成樂方闋，載見辟維良。淑景鮮鸛鷺，卿雲爛鳳凰。

漏聲傳閣道，花影轉巖廊。貂珥徐移步，貌鑪靜吐香。班聯皆稷契，柱石賴動勳。殿陛揚塵拜，蓬萊拄笏望。春風回太液，晴色滿長楊。灑暎朱霞佩，萋含綠卉芳。恩仍霑雨露，波亦浴鴛鴦。錫類仁慈渥，思齊聖善彰。宮闈期寢盛，覆載洽驩康。緬昔親迎渭，惟皇聿及姜。臨當營洛邑，卽已造舟梁。作合天心定，咨謀帝德洋。河山收版籍，磐石奠金湯。建極昭中正，恢紘暨八荒。四維皆甸服，九譯盡梯航。寰海朝靈沼，奎星聚闔閭。神機雖獨運，內助詎能量。屢減瑤齋膳，躬條繭館桑。妃嬪依似幄，俊乂念周行。午報乘鑾備，旋聞擊鼓鏜。兩宮齊閱武，衆庶并迎祥。

組練明欺雪，貔貅凜奪霜。霓旌從象衛，虎旅接龍驤。雲  
導森嚴簿，林排煜燦鋸。威堪綏窳窳，勢欲掃欃槍。磊落  
天閑駿，驍騰賁育強。熊羆驅豹兕，驛駱驕驪黃。颯颯諸  
蕃警，霆馳我武揚。令嚴申警蹕，事畢視斜陽。酺賜豐明  
醺，歌賡豈樂觴。虞庭應髣髴，韶樂聽琳琅。延喜笙鈞合  
陪臚，磬虛越正聲。諧大呂，細律應清商。白鶴翩回翼，青  
鸞乍引吭。伶倫辭嶰谷，素女降瀟湘。繁會絲音迭，盤旋  
舞袖長。九功輸節奏，七德讓軒昂。宸歡時款浹，淑思尙  
矜莊。羣工揚爵罍，衆媵奉圭璋。殊寵迨鮒考，隆恩溢筐  
筐。華文蒙織貝，蜜餌和瓊漿。盤擘麒麟脯，珠懸翡翠囊。

蘭鐙星燦燦，蕭露夜瀼瀼。阜澤神哉沛，嵩呼樂未央。  
衢欣擊壤中，外仰垂裳風。化宣區夏雍，熙若雨暘莫。階  
禎瑞見麟，趾德音臧。聖代生遭盛，臣愚喜欲狂。葵傾難  
自已，芹獻頌無疆。作賦研空苦，陳詩拙敢藏。仰瞻霄漢  
麗，耿介軼陶唐。

善知鳥祠

東奧奇勝之一  
齊陸氏題

善知鳥爾鳴，一何悲爾魂。爾魄冤者誰，昔有炎帝女。口  
銜石闕東海陲，海不可填天豈補。天若有情石亦癡，又  
有魚鳧之孫名子規。天陰雨溼風淒其，不如歸去歸不  
得。空山血濺三更枝，善知鳥爾何爲父。呼子雄答雌，或

云古之忠臣孝子義男節婦生流離死為此鳥長相思  
終令至情鍾異物嗟哉人間末俗漓善知鳥傳口碑善  
知鳥祠非淫祠且將杜甫拜鵲意一效屈平呵壁詞鬼  
車煩冤神懍惚我雖弗知鳥善知

酒煖鐙紅閣分得煖字戲賦贈典斟真娘

月照梅花春不管淺斟低唱歸須緩真真不是畫中人  
小閣好偎燕玉煖

星岡小集分韻得支賦贈土居香國

通豫

疏梅煙影散星祠為待君來花發遲相見吟衫如許綠  
一鞭楊柳帶春旗

卽事四首和森川竹磻妹丈

德

禁城楊柳軟吹絲長記春風嫁妹年市樹鶯聲如細樂  
彌空花雨散諸天笄頭剛及佛生日絲足須知仙引緣  
自笑終南閒道士巾衣送爾醉筵前

尋春當日未聞盟豈有樊川惆悵情

竹磻當年作惆悵為故來詩  
在柳陰當年惆悵杜之句 鏡

合月圓翔翠鳳花濃雪聚喚倉庚當憐盃簿前生定久  
識檀郎百事精卻扇為歌桃灼灼從今樂看綠陰成

道韞多才挈莫愁

道韞謂芝  
蘭姊妹

譜將花鳥入春秋燕知門第分

王謝桃笑比鄰住阮劉

蘇詩之塔藤波君  
新宅咫尺鄰竝

棊几湘簾對明靚熏

鑑茗盃坐清幽蹇修謝訂神仙眷

謂齊齋  
秋水

得堦蓬山第一



流

聘受溫家玉鏡臺助妝無物且銜杯深慙裙布釵荆質  
敢配金荃蘭畹才一夜新婚花送出六年先隴酒澆來  
明朝還上松楸路爲爾焚香告幾回

古曆重三汪芝房星使紅葉館醺集用副島樞密  
韻賦五言二十句

蓬島鶯花日芝山翰墨筵水回芳杜曲櫻罨麗人天節  
使風流會春城禊飲傳蘭亭遵故事筍屐競新篇酥雨  
霏煙浥華堂絳炬然醉來逾款泱綺合自緜芊反顧瀛  
波影遙連滬瀆邊蒼茫誰獨立清淺欸千年存濟思同

誼綢繆仗衆賢式瞻觴詠興不獨樂林泉

題佐伯羽北遺橐

烏闌和淚澹丹鉛竹屋鐙青思悄然猶記相逢如舊識  
豈知茲集是遺編煙波松島三年約文字星岡一面緣  
太息山河邈千古夜臺誰與賦游仙

鵬聲

四山裂帛破迷濛此物誰言竄伏工林藪無人哀淚迸  
花枝欲曉斷魂空忽然斜月愁過峽贏得歸舟泣掩篷  
不向葛洪丹井住枉將心血殉春風

千聲彷彿度嶙峋似道空山是帝闈血汚誰危唐社稷

魂歸仍恨蜀君臣冬青半樹園陵雨金碧南朝野寺春  
終古自關家國事詩人再拜獨傷神

含雪將軍椿山莊雅集卽賦以呈

風潭百頃碧泫泫五月平泉草亦芬谿合杜鵑花後樹  
屋生梅子雨前雲鷗馴深感韋丞丈檣散還陪鄭廣文  
霑醉不辭歌鐵板綠沈苔影臥斜曛

次本田種竹晚春台北閒居詩韻

草堂琴思悟忽被熏風促動操入無絃衆山響而綠  
佇興何妨獨忘言不在深無心白雲甚午作半峰陰  
曲曲穿深竹涓涓注淺流羨君閒杖屨泉石日尋幽

人住夕陽村門當夕陽道花惜夕陽花草憐夕陽草  
皆言唱和工天籟絕畦徑昨賦午橋莊今吟輞川勝  
古人論暗合隻字可名家我有舊題句牡丹纔一花  
詩補牽蘿屋楚音醉不知何人仍倚竹日暮賣珠時

夜熱困人偶見案頭石埭近製口占卽和

憑仗冰紈一握風小樓空憶水精宮團團不動檐燈影  
螢火亦紅星亦紅

感興

玄菟雲連鴨綠波謾猜入室更操戈可憐鏡落花飛日  
陡聽青絲白馬歌滿眼君臣空燕雀誰家職貢此山河

替他整頓乾坤了始信東方義憤多

八月法宮引送山縣大將軍奉命出師朝鮮

天皇八月坐法宮詔書宣戰領遼東威弧直指玄菟郡  
雕戈遠懾漠惠戎本營大纛奄瀛海六軍練甲紛貔熊  
未聞雞林屬禹貢旋看箕國平蠻訶義扶傾廈仗獨木  
氣薄白日成長虹神驚豐島霆轟勢魄奪牙山電掃功  
平壤城頭鼓鞞急稍稍潰卒復蟻集徑須一舉覆巢殲  
聞說我軍犯險入帝將祕算授元戎想見宸衷軫原隰  
揚威雲漢回斗杓指掌山川聚米粒桓桓上將辭闕廷  
一一部曹親統輯行超鴨綠收陪都橫絕長白壓邊邑

鐵嶺繡嶺空峒嶢松山杏山更寂寥萬竈風煙冷朔漠  
一關山海生蓬蕭王師所向等摧朽燕市何人還白驕  
純皇玉甕祥符歇文廟糠籩氣燄銷可憐八旗慘無色  
只聞中堂心獨焦綠營殘烏噪空幕白河駭浪隨狂飆  
喚回四百年來夢豈容鄰誼有梗壅聖朝奮武非佳兵  
將軍犒師屢誓衆燕然勒石長城平事定還思國殤痛  
爾時奏凱杲日高卽今啓行殷雷闕我隨父老擁道周  
眼觀上卿爭餞送敢俟山甫邁歸時爲君先撰清風頌

高麗鷹行

九月十七午雷電我軍黃海大鏖戰大孤之山轟欲崩

峩峩汨沒魚龍變倏來擊者意態殊初止鷓首疑檣烏  
俊姿颯爽決雲裂側目凝視如愁胡胡兵百萬同日死  
殺聲血滾玄黃水旋喜皇威震八荒天教神俊來千里  
鴨江半夜吹蘆笳風毛雨血紛騰拏鷹揚我武嚮無敵  
反顧平壤皆蟲沙穹廬絕塞莽開廓只合一超搏朔漠  
犒師大醮晾鷹臺凱歌譜入白翎雀卽今此物徵休祥  
鯨鯢潛息虎豹藏獻詩敢珍玉堂貢仰瞻鸞鳳雲霄翔  
二葉山用春畝相國春和園雅集韻賦一絕

翠微仙仗五雲斑白馬銀濤指顧間自是丹衷表葵藿  
霜楓紅徧向陽山

二葉山一名向陽山

栗田鶴渚將養痾須磨示留別詩三首次韻贈行人  
隨潮去恨難降山色蒼茫暎曉窗昨夜吳江楓又落  
殘星數點冷漁缸

銀箏畫舫一宵游聞是臨岐罷權謳可耐垂楊憔悴後  
少年慘綠病經秋  
錦石粼粼纈縠波伊人載酒幾時過青梅笛裏王孫淚  
芳草如煙恨未磨

冬杪廣島客舍讀石埭寄懷之什中懷惻焉賦此  
以酬卽用原韻兼寄寧齋東郭

想見青山拱梵王經旬不掃墓應荒淒涼法鼓影堂外

一角斜陽秋蝶黃

天涯涕淚暮雲垂雁影霜空神欲隨惟此營齋心一片  
登高遙念故人詩

草堂家世歎勞薪清夜捫心想夙因呼馬呼牛我何有  
每聞一毀愧先人

行殿旌旗海日開身隨豹尾屬車來椎牛祭墓知何益  
深感諸君酌一杯

嚴島

倒涵華表影神女弄珠游巖溜隨潮長宮廊帶月浮鹿  
銜紅葉晚鴉散碧雲秋絕頂天風作遙聞鼓瑟幽

青厓山人將赴朔方軍幕以十一月十一日來於  
廣陵余同錦山把臂一笑歡甚乃共餞飲旗亭率  
賦七律二章爲贐

酒國三分意氣投平生坐嘯壓曹劉幸隨天子山陽駕  
且壯詩人塞外游馬革此行霜滿地濤聲欲別月當樓  
長江不盡掀髯笑終合英雄是仲謀

離觴一擲走龍沙只覺霜風撲帽斜俄朶城烏空在幕  
紇千山雀凍無家旆旌夜皎臨關月劍槩秋高絕塞車  
酒熱鬚眉乍疑雪貂裘吹笛到梅花

除夜玉池祭詩龕小集次嚴谿裳川原韻

旋從屬車後未卸征衣塵不知歲云暮笑觀澹宕人一  
龔詩作供鏡中花氣真忽驚鬢毛短烏兔無停輪憶昨  
奉清蹕共事蓮幕賓傳說宵旰切豈不忘艱辛官卑尙  
招謗言好翻見嗔衆口金可鑠我性龍難馴多謝故人  
誼待我如交鄰不棄廣文冷常諒長卿貧是夕俱潑散  
莫非同調親灌佛以米汁氣味醇乎醇畫禪同一理墨  
梅殊自珍雪蕊照甌盃妙香吹幘巾詩品最高絕明月  
君前身流葩骨亦韻質玉文更彬爲君述聞見天兵機  
若神遼陽不日得敢教弓劍泯威風伏婺面王化迨穿  
脣苟識文字者盍作扶桑民醉言漏已下明發鐙相因

遙思帳殿曙仙仗雲含春

乙未

元旦口號

金雞碧樹春忽多此曉三軍猶枕戈天山應帶芙蓉雪  
巖島遙連渤海波

東風畫鼓發春聲想見饒歌起大營萬姓具瞻天子籟  
丹霞捧日是心旌

天門佚蕩望雲輶壽色南山拱殿廷騰驤駿馬奔虹赤  
颯爽奇鷹玉海青

渭濁涇清不在流黃沙白草亦春疇徑須割取鴨頭綠

齊漾恩波回御溝

醫巫閭雪照征袍  
落月明駝背上高健兒馬酪當椒酒  
僊騎蚪鬚磔蝟毛

松花江北朔雲黃  
山海關南鐵路長  
秋毫不犯敷王化  
春煦相隨入奉昌

燕臺是日幾人朝  
市筑無聲俱寂寥  
青燕半合長春館  
綠水空潑玉竦橋

電掃朱明指顧間  
居庸當日是雄關  
惟今祖廟不能守  
積翠春回天壽山

高麗王殿逗晨光  
漸見卿雲爛廟廊  
甲子如遵太陽曆

衣冠同奉萬年觴

昨辭行在走天涯  
到手春風酒一卮  
猶帶廣陵濤勢壯  
海光莽莽動鬚眉

新年第三日偕樂園小集賦似石隸

酒煖鐙紅別一鄉  
與君偕樂不妨狂  
春風渾頌王師捷  
綺讌還依敵國糧  
各自文章關世局  
同人尊俎壯詞場  
醉揮金戟看星斗  
萬樹梅花角韻霜

六日草堂小集疊前韻

天地春風闢樂鄉  
欲于何土寄吾狂  
洗兵遼海星生角  
牧馬燕山雪作糧  
對壘相持皆酒士  
出門一笑是沙場

花前同作封侯夢誰臥盧龍塞上霜

酒酣放歌三疊韻

芙蓉晴雪鎮仙鄉藥草難醫是酒狂三鳥好翻秦故事  
九州去覓禹餘糧人煙朔北新疆土鬼火遼東舊戰場  
大笑董龍雞狗耳醉魂蹴破薊關霜

四疊韻

醉倒揚州佳麗鄉興豪未諱罪言狂調情會借三杯酒  
折節寧甘五斗糧玉笛梅花美人榭青春鸚鵡少年場  
與儂一榻參禪悅且趁樊川鬢未霜

孟春九夕將赴廣島嘯樓話別分韻得灰

梅花合向尾州開京國才人餞一杯三日驅車趨廣鎮  
千金何馬市燕臺玉甌社稷邊須拓銀杏英雄志未灰  
春入嘯樓今夜酒神馳幽北古龍堆

聞丁禹亭死雖我公敵不能不詩以弔之

戰弗能利斯死耳兵弗能救便降矣降而就義何從容  
誰人不惜軍門死王師破竹勢莫當庸知所恃非金湯  
可憐滿漢水火裏曾無半箇丁劉張劉公祠下濤鳴吧  
月黑水犀吞恨入他時祭爾環翠樓四山風雨魂夜泣  
賦得鶯有好音賀近衛翠山公八十八壽

幽谷梅花未坐鶯羨君眉壽冠簪纓百年喬木參天綠



先著春風第一聲

送高杉東一赴任支那金州

魚龍春浪汎晨光照見高生鞍馬裝貔虎三千聚威旅  
英雄一半出防長百年後死風雲變六尺遺孤名姓香  
折贈梅花淨冰雪家門忠孝好傳芳

君爲東行先  
生嫡嗣故云

馬關寓日用玉池禊飲原韻

壇浦風光漁老語扁舟散髮帶微酣不知潮有平門恨  
斷得爬沙蟹兩三

眼看干戈玉帛仍縷船拍拍花浪騰何人酌酒斜陽裏  
水碧梅紅壽永陵

雨中京邸雜感

綠陰幽草杜鵑時煙雨東山有所思處士謾談天下事  
美人肯失酒間期百年功業歸尊俎萬國英雄看奕碁  
平地風波誰識得春愁且簡鬢邊絲

有懷五首

風雲論戰氣如虒天地繇何觀變及終使徒薪疑失火  
肯容越俎濫治庖臺澎島嶼皇輿合遼瀋山川徹屣拋  
笑挽黑龍江北水洗兵靜唱短簫鏡

聖策當時斷鬼神翠華海角度嶙峋豈圖八水分流地  
得觀千秋未有春泉邸崇蘭邀鷺序鯉城晴日繞龍鱗

班師仍蔚青山色萬古蜿蜒俯帝闈

嚴島祠頭五色雲霓旌羽節共氤氳迎巒沸水松梢雨  
讚佛潮音貝葉文華表夜回鸞鶴馭樓船穩送鸛鵝軍  
健兒笑指豐公廈誓策金鷄第一勳

記得縷幢夜入吳行營夙駕虎賁趨指揮雲合魚麗陣  
仿像濤驚海戰圖鐵柱塌翻丸霹靂甲皮慘裂肉模糊  
宵衣爲問創痍重勇奮貔貅涕泗俱

憶昨征旌橐筆隨歸來心緒亂如絲但知事祕多焚草  
可歎功高有愧詞絕微誰能傳蜀檄他年或恐毀韓碑  
詩家南董何人是且共謳歌頌盛時

古澤介堂明府

滋

招飲櫻雲臺席上賦贈青厓

與君廣陵別拂袂酒猶新苦月穹廬夜慶雷輦路春簿  
書勞酒客軍幕檄詩人各有當爲事歸來情更親  
把酒重相見風流刺史筵嘉賓交舄履逸興愜林泉笳  
鼓聞猶昨竹絲紛涌前慰君千里思望海森無邊  
六月二十九日芝浦晴曠亭小集分韻得歌

登樓一笑酒顏酡萬里雲平喜息戈賓主盡隨征纛返  
海潮仍向礮臺多陰晴變化神靈意清濁滄浪漁父歌  
閒賭輸贏碁局外拍闌誰唱定風波

大纛餘光題辭寧齋囑

日下詩風忽異觀心懸大纛映回鑾餘光四溢雲霞蔚  
渾作龍騫鳳翥看

雲漢崧高指事精別梳一一入詮評葩經小序毛公傳  
將謂前賢畏後生

周宣石鼓苦難詳漢武秋風樂已荒衆可成城詩是志  
爭如此卷卽金湯

翻思威旅劃鴻溝聞道韓廷尙綴旒莫向籌邊樓上唱  
鄂羅雲物莽悠悠

小說阿秋題辭澀柿園主人囑

明月長安憶遠征春閨夢裏骨縱橫誰知寫到人心毒

一種悲風紙上生

苦字酸文聲淚俱佳人草木敢同枯禁持雪虐風饕裏  
茅屋雖寒不賣珠

情劫消磨未了緣忍教玉石共沈淵箇中悲喜無人識  
一結煙波故杳然

豔質動遭蟻蚓損芳魂長共蕙蘭存匹如香祖淒涼曲  
未信藏園勝柿園

送橫川唐陽以軍醫赴臺灣

昔者南溟鵬所圖天池瀕洞連蓬壺只愁負翼大無力  
一搏會待扶搖扶莊生寓言十八九齊諧志怪有徵否

卽視今日如探囊澎湖臺灣忽吾有何哉惡浪猶滔天  
人鬼跳梁蛇倒懸朝嵐暮嵐瘴來往赤道黃道潮盤旋  
既聞將軍趣師亟打狗安平不日得疾雷破山猩猩驚  
天吳罔兩游魂匿是時誰試逍遙游君也所願非封侯  
兵討不庭豈得已藥攻對證疾輒瘳醫國活人本同軌  
不荷金戈挾金匕行宣聖朝勦撫恩深憫雕題亦赤子  
況我兵丁炎霧中金蠶蠱毒將毋同君將人命任己責  
橫海樓船無此功三軍盡爲霍去病便見南風與笳競  
倒戈豚犬景升劉時劉永福據淮南禮魂忠義成功鄭丈夫居此亦  
足豪不須勒銘銅柱高世上小兒較功利奚異斥鷃翔

蓬蒿餘事以詩播重譯獐花犴鳥入清格鉤輶亦化溫  
敦風榛蕪斯道蠻荒闢吟成依斗望帝闈南顧無憂休  
復論廟堂此後紆籌策變化惟防北海鯤

原氏野毛山別墅題壁

高臺坐嘯氣如仙眼閱滄桑萬戶煙海角礮聲新鐵艦  
日邊帆影古金川拍空雲浪來殊域隔巘松濤韻絕巔  
呼吸眞應通帝坐好招鸞鶴下瑤天

送土居香國赴官臺灣

堂堂開府鎮炎方釜底游魂尙陸梁雨暗千林銅弩發  
雷過大澤赤蛇藏嫖姚計日收莊躡翡翠來朝貢越裳

秋滿黃蕉丹荔路郵籤好去入南荒

偶感似尾張藤井紫水動兼寄柳社諸子

故城楊柳碧何如送客林丘感有餘風雨只愁喬木下  
炎涼已判一蟬初都門酒局會奚冷鄉黨音書久漸疏  
爲報詩人閒聚散吾徒近日畏聲譽

芳川越山司法題正示鎌倉懷古詩徵和率賦

一千年後參天樹空拱芙蓉嶽色雄寺古哀湍回壞道  
雨昏陰火照幽宮迹存佛理泡漚外淚墮王風蔓草中  
莫向平原談射獵至今狐兔亦傷弓

又二首

海光明滅亂雲斜不見千年列戟家大樹飄零星墮井  
空城寂寞浪淘沙雀臺衰草無殘瓦螢苑垂楊有暮鴉  
一種霸圖風雨歇漆鐙夜夜走金蛇

片雲仍訝白旗斜轉眼恩家更怨家破楚功酬屬鏤劍  
椎秦恨失博浪沙熏天氣箴尼成將落地巢雛鳳變鴉  
腸斷鶴岡祠畔路菊爲茂草蟄幽蛇

鎌倉妙本寺懷古

法鼓淒涼淚滿巾眼看碧草暎階新可憐三世顛塗地  
謾道遺孤託有人牀第之間疏骨肉英雄自古累姻親  
不堪更酌長興墓長興此金能日法號嵇侍中袍血未涇

三谷耕雲仲聽松濤處招飲卽吟

松濤颯似短兵鏖牆角風來明月高應照土城人骨白  
彈痕秋透戰時袍耕雲詳說土城子及旅順戰況故云

用才調集體題伊藤紹春公子博邦走馬小照

絲鞭朝去出宮牆輭繡天街走馬場春水綠波明照影  
桃花紅雨亂飄香翩翩公子銀鞍上的的佳人錦瑟旁  
怕向池塘閒勒轡柳陰深處有鴛鴦

秋曉詩

歲云秋矣夜何其長耿耿予懷不寐達旦作秋曉詩  
四章

欃槍昨夜射人明烽火甘泉徹五更何處花蘂馬嵬影  
可憐鐘怨景陽聲旋驚風浪生銀浦久識蟾蜍薄太清  
多事星軺漢家使不應眞犯斗牛橫

牽牛花瘦夢迢遙星夕曾傷露已饒苦向頽垣扶獨立  
誰禁驟雨不終朝驚梧秋井紛紛墜殘燭宮門暗暗排  
從此天河嗚咽水忍看烏鵲血填橋

漢宮桂蠹幾回枯椒殿蒼黃古亦無只恨金張連外戚  
未聞褒妲自中誅冬青半樹成灰土秋草空墳散曉烏  
野火明年燒不盡傷心玉匣葬珠襦

綺皓安劉四百春垂亡匿壁轉傷神曹公自是傾炎室

呂后何曾眨庶人微蛻得雌纔吐彩荒雞無牝不爲晨  
駭聞鴛瓦朝來裂霜向東方出日新

飯田旗郎以其新譯法國人羅某戲著索題卽賦  
五絕句

百怪公然笑煞人謾言風俗日趨新昏昏野馬塵埃裏  
誰是然犀溫太真

文物衣冠耀盛都流蘇寶蓋滿春衢形骸自是閒男女  
寫作羅家鬼趣圖

我正登場不自知請君入甕暫相窺偶然冷了旁觀眼  
誰信身牽傀儡絲

風流玩世好文章笑罵奚妨態類狂一副婆心泰西客  
偏將善謔壓東方

才名久已重旗亭紙價傳鈔筆倍靈繪水繪聲神畢肖  
箇中君亦幾回經

金澤保胤彙清國通行尺牘爲一編求予引首會  
有所思乃賦四絕句代之題辭

海外春愁一紙書古人重譯更何如欲知遠道絲絲思  
割取桃花尺半魚

自從和議返遼東聞說蘇杭一葦通喜見江南消息早  
北枝是否笑春風

北洋樓艦劫灰沈只覺蓬萊爾許深東海麻姑相問訊  
幾回清淺到如今  
五絃爲爾暫調和錦字何勞緘恨多幸免絕交嵇叔夜  
曾無悔過竇連波

哀辭七章

王師若疾颯卷籜拂氛妖歛見秋旻霽俄驚桂樹凋瘴  
鄉歸蕩滌潢裔竟蕭條昨哭須磨月謂故參謀總長宮殿下征袍淚未  
消

帝授親賢鉞天何不憖遺兩聞哀痛詔矧乃廓清期諸  
將論功貴三軍奏凱隨豈知風雨夜輿櫬入京師

鳳山鏖戰劇龍種指揮勞卒伍同艱苦渠魁遠遁逃破  
顏誰躍馬奪彩忽投刀是夜中營角悲風咽海濤  
蕭晨登帳將練甲帶淚痕祕不知何事嚴相戒勿誼忽  
傳衡蓋返已見艦檣屯海日慘無色蒼黃奚忍言  
震悼傳宸極哀榮賜國喪百年享寢廟三日遏絲簧銅  
柱標蠻徼金輪冊法王山僧追往事執紼淚浪浪  
錦旗衝雨入幕府覆巢時劫燹延琳宇兵骸挂殿基流  
螢紛照路破屋泣羞糜二十餘年事殘鵲獨自知  
當年都督府薤露昨猶新盡瘁今相見窮泉訝未眞曾  
同車駕扈哀此鄂拊親松邱聞嗚咽謂現參謀總長宮殿下愁雲閉帝



閨

先君子七祥忌辰用石埭原韻志感

聚如落葉散如煙今日修齋亦偶然生死金蘭同入簿  
春秋花鳥幾編年江湖滿地仙蹤邈雞犬無聲佛火虔  
猶勝名流多不祀一瓢殘酒抵清泉

玉池仙館翦燭第一集分韻得青

十年話雨一鐙青疏竹瀟瀟韻夜樞秋在帳紋如水裏  
篆痕吹夢入冥冥

吳門狂士記張靈畫裏醉魂芝草馨應是萬梅花下夢

仙山飛瀑見媼姪

壁挂張夢晉仙山采芝圖洵希世寶也

後赤壁夜清樾書屋小集席上率賦

客作臨臯集曠懷仍舊多論文觀止此問月樂如何今  
夜羽衣夢前游烏鵲歌知從橫槩後萬古擅髯坡

朱秀水天地儲精硯歌

并引

乙未十二月土居香國還自臺灣持此硯見贈背鐫  
朱竹垞銘辭其首句云天地儲精端巖蘊石因以名  
硯并賦長歌志喜

是何端谿蒼玉砥故人得自鳳山背袖歸東海一片霞  
割來置我烏皮几扶桑杲日臨明窗敢教瘴霧浣衣紫  
墨雲灑霽痕有無半泓仍是臺灣水溫潤而栗坦其形

亦銘中語信知久儲天地精馬肝龍尾亦何有厥背分明竹垞  
銘竹垞集中詠硯作鉅篇首數玉帶生當時磨此寫長  
句落筆定作硤硤聲幾時棄置南荒謫數行痛淚玉蟾  
滴此地曾經亦姓朱誰鍊成功忠義魄抱負免僉降表  
名乞援資草遺民檄一般破家亡國哀奚異匡山風雨  
夕自從沈薶二百年恩怨如夢滄桑遷輿圖忽已拓日  
域梯航競欲朝堯天若令一物不得所黑山賊氛豈遽  
蠲洗發精光射南斗硯兮乃尋翰墨緣我友從軍歌  
病時發研山海嶽興轅門笑揖石鄉侯詩成擲地金聲  
迸知余雅愛曝書亭爲我揩摩鵠眼淨八分小篆青鬱

律珍比琅玕美人贈昨者副督高將軍旋師亦攜萬石  
君一人助逆頑若鐵抱硯不屈血嚼齧憐其愚懲赦弗  
死致諸相府傳異聞轉歎此硯配寒士蕭齋寶氣空氤  
盪

除日大磯羣鶴樓口占

欲聽仙鶴此鳴臯先揖芙蓉嶽色高落日海天來餞歲  
浮雲世事笑觀濤羅羅羣嶼疑星點渺渺平沙唱浪淘  
誰似白鷗閒若許長安回首夢俱勞

槐南集卷十六

槐南集卷十七

東京 森大來 公泰

丙申

歲日書懷

第一晨暉嶽雪呈春風浩蕩罷長征順民航海朝畿輔  
賠款如山鑄甲兵百戰壯丁歸部伍中原父老拜勳旌  
家家同把椒花酒先頌臺疆早削平  
卅四春風入鬢愁毀多譽少忍回頭詩人本合馴鷗鷺  
胥吏奚妨學鸞鳩既與梅花同卒歲敢言桐葉抵封侯  
霑醺偏感天恩渥任是兒曹哂未休

和春畝相公自題小照詩韻

松柏歲寒逾挺秀履霜冰至不須疑春風畢竟歸和煦  
王道從來最坦夷心外曾無真主宰眼前誰是大宗師  
閒中讀易梅花下一笑羣芳盡早衰

次錦山元日詩韻

率土慶雷破蟄龍驚聞小醜再傳烽既教毘舍頒新曆  
敢與延平說舊封臺灣古名毘舍邪國延平即鄭成功封號鐵甲樓船立飛渡銀濤瀛  
海盡朝宗莫言春令猶嚴栗須使炎荒一識冬

失題

人皆欲殺李青蓮始信吾生是謫仙玉不自言桃李笑

春風偏在草堂前

二月星社小集卽興似席上諸子

蒲團幽獨坐春寒一任牆腰雪尙殘求友那如求酒好  
養才多比養花難佛於微笑無深諦詩到忘言有古歡  
轉喜仙燈集空谷霜天冰月韻珊珊

翦燭第三集戲賦一律是日雨

春樹空濛一帶家好傳芳訊水之涯輦簾煖閣宜中酒  
殘雪疏梅正小花翦燭風流成故事品詩夢影繪新紗  
不辭同聽吳娘雨翠鈿來回繡幃車

廣莫之野歌送朝比奈珂南知泉游露國

廣莫之野天穹窿厥初何國非洪濛後五萬年泝今世  
恆沙帝王亡是公微聞四海水皆立朝宗不獨扶桑東  
徒令海若笑河伯是誰神化游無窮黑海迤北遶龍輶  
層冰積雪爭寵從亞歐連互幾萬里上游半壁神無功  
或云古之羅刹國但有陰殺無昭融豈知北斗執其柄  
意欲徑掃機槍空當夫乾坤殺機動氣求聲應思飛狝  
譬如雕鶚盤遠勢六合鸞貌齊忡忡大局轉圜陋膠柱  
昔賢遠害嗟冥鴻國亦隨時有顯晦且保東旭長曛曛  
今年天更眷朔陸其君加冕頗啓聰纖緯重書汁光紀  
寶符歛膺顛頊宮共球萬國人王會珠槃玉敦光熊熊

雪面參軍鸞眼碧黃鬚鮮卑珊鞭紅我皇聖謨重鄰好  
輯睦莫外車書通星槎特簡龍種貴玉節更附將軍雄  
乃有一人控黃鵠願倚閭闔登閩風周流崑崙縣圃外  
笑拂長劍望崆峒平生慷慨負偉略元精中貫如白虹  
好將彩筆干氣象然後素志酬桑蓬卽今宇內各虎視  
弗用兵戰以器攻羽書一瞬仗電母火礮百里驚豐隆  
巨鯨奮鬣不能阻破浪立致千縷幢五丁卻走巨靈死  
劈險鐵軌穿窞硤徵輪動輒累鉅億未聞咄咄民鼓隳  
出奇自足震遐邇此皆人力非鬼工知君眼界大開豁  
觀風一一曠發矇威儀旣存揖讓際得失豈在爭雞蟲

鷓鴣不受腐鼠嚇何爲局束天地籠大人溟滓同一氣  
默契鵬運扶搖中爲君長歌叩眞宰玄冥窮髮雲寥寥  
天門虎豹疇與辨自彼視我將毋同

四月八日翦燭第四集和石埭原韻

細膩風光約伴行櫻花看到夕陽晴鶯聲仍共香泥滑  
草色旋隨蠟屐生避俗琴尊無主客尋幽車馬絕逢迎  
吟遲罰不辭金谷莫負青蓮秉燭情

碧堂將去前一日東台花事方酣乃約同裳川寧  
齋往美術學校歷觀元祿以來文物圖畫竟俱飲  
於鶯谿香山樓席上賦一律以誌影事

麗人天氣醉東都同向綺羅叢裏趨風緩飛花聚春襪  
寺幽啼鳥散香廚吉祥樓閣空灰土元祿衣冠舊畫圖  
無限低回夕陽裏明朝南浦長蘼蕪

爲賣醬濱口氏題美人夢商標圖

娶婦宜室家可以持門戶嬾施妍且姝未聞事公姥日  
常供飲食炊爨待甌釜彝鼎空斑爛雖寶亦何取昔有  
美一人麗質何媚嫵窈窕世所無兩鬢千萬數一從操  
井臼布荆謝纂組食性問小姑晨檢廚中譜開門七件  
事醬居其第五柴米及鹽醋一一陳餼脯元時語云早起開門七件事柴米油鹽醬醋茶  
用以調芹羹用以和橙蒟用以飯雕胡用以進膾縷蘭

膳生馨香良人相勞苦顏色常和愉加餐舅姑努夢寐  
 莫敢忘上有神明觀王母鑑其誠召見崑崙圃連珠與  
 玉津元靈滴鍾乳漢武內傳西王母謂武帝曰神仙之家有連珠金醬玉津金醬又有元靈之醬更授金牒文白  
 雲倏吞吐自茲家道興即此賣醬祖以夢為標識孰辨  
 莊蝶栩栩事異臨邛壚名豔洛陽賈圖挂慈雲臺恍游兜  
 率府四月櫻筍時夏淺芳草塢菩薩亦低眉花散彌空  
 雨願以此功德兒孫共歡聚我來一再拜明璫粲翠羽  
 孝為百行先醬是八珍主清異錄云醬八珍主人也作詩供覆甌敢謂白  
 華補轉嗟風俗漓何日還淳古世間父母心生女教歌  
 舞

墨上和越山法部韻

遺鈿瑟瑟雨霑塵不道花飛滅卻春洗去穠華晴更好  
 綠陰半榻品茶人

車中應教

四月二十五日 東宮殿下自沼津還啓東京伊藤  
 首相扈從大來亦在屬車之列抵山北驛首相傳命  
 獻詩即景恭賦絕句一章以進詩雖拙俚亦紀實也  
 故錄以誌榮遇

終朝風雨鎖芙蓉龍種言歸向九重鶴駕倏過天亦霽  
 白雲嶽麓故容容

水野大路重赴臺灣前數夕邀飲同人于富春樓  
率賦敘別

黃鸝百轉唱將離重探天南萬里奇熟識山光浮碧黛  
飽餐荔味劈紅肌瘴鄉已作并州想珠月還應合浦隨  
回首長安花事盡銷魂漸及牡丹期

麟燭第四集君有破  
禪早及牡丹期之句

五月十三日滄浪新墅勝集和春畝相國原韻

歌雲捧日氣洪恢萬象平臨笑倚臺鐘鼎崇勳偏折節  
山林遺逸自多才真人在坐霞嘯噲列宿當軒海闔開  
終古平泉無此盛蕭曹園綺共傳杯

席上復和春相卽興詩韻二首

霓裳同詠大羅天繞閣松風灑玳筵李白釣鼈稱海客  
留侯避穀愛神仙殿春餘卉參差笑信宿閒鷗自在眠  
咫尺雲濤看起滅此心休逐景光遷

一從閭闔會雲龍爲棟爲梁落落松縹緲絳霞迎羽蓋  
岩堯紫閣引嵐峰琅玕芝草奇芬合鸞鶴鈞天廣樂雍  
安得憑公貢瑤闕日邊紅杏更相逢

春畝相國奉命巡視臺灣余亦在隨槎之列次相  
國發都口占詩韻

渺莽雲濤路有無豈知萬里入鴻謨何人放眼乾坤外  
不獨江山是畫圖



陶庵相公大磯別業招邀酒間賦呈

午橋來問好林泉誰信斯筵是祖筵野水綠回平楚外  
夕陽紅到一尊前磁盆蘭倚三生石坐客星隨萬里船  
嘯傲滄洲明日事且看麥浪漲連天

臺北客次和春相原韻

樓船蹴浪入津關直抵基隆第一灣日色珊瑚紅四射  
山光眉黛碧回環箐陰深合懸崖頂瘴氣仍流亂嶂間  
願聽伏波銅鼓壯饒歌聲裏賦平蠻時猶有土匪之警故云  
東來紫氣若蟠龍絕海遙輸萬里震民豈懷歸明職貢  
天教割取漢提封與他虬島作荒服自此蓬山添一峰

相對偏驚風物異愧無佳句詠櫻榕

丙申六月巡臺篇用蔣苕生臺灣賞蕃圖詩韻兼  
效其體

火輪日旆虹霓輓南荒去看生熟蕃炎徼亦屬神州山  
行化瘴癘爲春暄前史茫味不可究裸人彳亍叢笑喧  
鬪體目節金銀環螺拳頭髮疑蛟纏連臂乍如飲澗猿  
懸崖直下尻接肩鳴弓霹靂齊擲鞞椰瓢同啜人血鮮  
蠢俗猶知重婚嫁佳老歪善語謂少年愛媽良美女子也妍爾貓爾達  
仙乎仙番語男指女謂爾貓女指男謂爾達意海蛤數升螺數錢以此爲聘背琴諧合耳鐺  
偏男女戲游以特琴相挑意合則成夫婦兩頤針刺網巾紋女將嫁時兩頤用針刺如網巾紋不刺則男不娶鹿皮樹皮

徧體懸前谿拍浮女伴牽波搖粉臂如擊絲

蘇海采風圖云彰化以北蕃婦日往潞潭

沐浴女伴呼拍浮蹤蹤浪相颺蓋人有浪暎桃腮花片落波搖粉臂玉魚游之句

只以社會為長官相邀踏地羅

舞團下體搖擺輕且儇淫思古意情更閒

蕃女搖臂而舞其狀奇醜可笑

狃狃

獠獠追笑歡百年巢處瘴海孺醉飽徐吹鴉片煙臥看

連嶂劍戟攢江山如此久為滿清踞半壁已變侏僂言

嫉視孿奴恨刺骨嘗云東有祖國尊

蕃中古

爾來伏莽徒

漸繁而今乃沐日域恩聖朝拓地萬里豈憑殺戮事窮

黷誓師仗義適應威弧彎遼陽瀋陽一旦撤烽埃揖讓

之間直取臺灣澎湖列嶼供籬樊萬邦噤口不敢肆謠

詠坐令大局絕禍源藤侯鄉侯新受節桂帥更繼樺將

軍瘡痍蘇等肉枯骨蟲沙死為招餒魂恩威兼濟揭日

月歷歷馬磯鷄籠鯤身鹿耳新川原誕敷聖澤海亦靖

乘風十日無驚瀾全臺聲教自茲始鄭

成功

朱一貴僭竊皆

堪刪榕葉蕉葉綠滿川連藪電掃賊膽寒耕鑿依舊皆

良田青秧白鷺隱暎圖畫間臺北城頭午笳動兩行鼓

樂轎亦便順民焚香點燭埃叩頭崩角意可憐鐵軌晨

趨新竹市峽圍崖逼愁車顛更乘鱗甲下淡水

鱗甲舟名今臺北城外有鱗甲

問俗細大無遺捐何物狂匪猶延殘喘逞螳臂雲

林出沒多驕獍飄風驟雨不終日擣巢會見鼎鑄姦搖

頭大笑颯母死碧天暝憂雲際舫紅毛赤嵌看不見墨

點一髮空蒼寬打鼓隘口何斗峭打狗古作打鼓古來此險無還

船巨礁慘裂波朝天疑驅百怪來趨班性命呼吸心憂

煎石佛石塔空相連打狗口外南北二嶼名石佛石塔三十六島一衣帶便向

禹穴搜奇編千山莫如厦門醜天下千萬山莫如厦門醜趙甌北句只見萬石磊

落紛現前猙獰人立互排幹虎鹿咆吼爭其先忽聽潮

音和梵唄清磬一聲上有普陀祇樹園萬石巖虎鹿石小普陀皆厦門名勝布帆

小住來選勝夾道佛桑紅正娟賓筵敞開領事署壺觴

深感地主賢嗚乎東海朝百川中興聖烈二十七八年

歐之英俄德法墨之合衆國珠槃會盟辭令嫺神謨廟

算有定奪輯交耀武從經權南門保障北門鑰文身卉

服爭拜芙蓉巔我生海嶽抱奇志附槎喜償初願全掣

鯨歸來夢寐猶騰騫寧辭觸熱凋朱顏詩成滂葩非蠶

測丙申六月巡臺篇

長崎漫興

峭帆來卸鶴江隅萬古天南此一區梁賴風流有鴻爪

厦澎雲物入鵬圖夕陽蜃氣憑空闕夜月鮫人記事珠

醉聽竹枝聲裏雨相思川畔綠蘼蕪

佐世保阻風有感

臺北長濤指顧通鎮西門戶扼青空數峰雲合冥冥雨

積翠松生謖謖風轉瞬景光如世事隨波身迹付漁翁

前程漆黑何須問已試蠻煙蠻霧中

蘆花灘口戰船停獨倚谿樓看勝形斷峽浮雲連赤壁  
亂峰飛雨入蒼溟去年兵甲無人說竟夕絃歌任客聽  
信宿誰能發深省隔林魚梵自泠泠

海洋月夜

臺澎萬里駕風還已隔蒼茫積水間只見金波平若席  
直浮明月到神山

大觀樓矚目

盈盈水意自溫柔四面煙巒紫翠浮神女峰頭當有雨  
妙鬢吹影過滄洲

九月十八日祭詩龕翦燭集席上有所感謾賦四  
絕句

惛惛客思寄焦桐忽起停絃望斷鴻莫遣琴心入流水  
故園今在此聲中

雨脚纔收逗夕陽雁聲雲影暮蒼蒼芙蓉敗後蒹葭水  
何處江鄉有稻梁

津楊憔悴野花愁森森秋平古渡頭悵悵梅兒墳畔水  
不應長命寺前流

家徒壁立任風侵難動千間廣廈心鈴韻鐙痕皆似水  
破蕉窗下賦秋霖

解悶

潘鬢秋風霜下初落楓如雨昔人疏天邊不阻雁聲路  
世上同心星散居

鬼神誰問長沙恨雲雨徒嗟宋玉誣曉夢春心無限事  
義山誓不負令狐

靈均九辯菘蔬叢平子四愁霜雪中今日許身誰稷契  
浩歌還仗杜陵翁

蕉庵依舊綠天開石上藤蘿被老苔咫尺共瞻千里月  
不禁顧影一徘徊

諸相五首

經歲軍儲且未充清流白馬一朝空蘇張動世因聯合  
李蔡爲人在下中枚卜重趨丹闕召算緡久擁素封雄  
漢家肯重錢刀利竟使弘羊位上功

鈞天昨夜聽雲璈四海賓朋甲第高平地風波防舊閥  
隱然敵國視前曹籍貪名姓黨魁貴興覺冠裳公齷豪  
笑把黃花拚酪酊喜看碧眼醉葡萄

衆口居然欲鑠金誰存葵藿向陽心只爭依託何人重  
定識猜嫌各自深白日雷霆環殿柱紫宸袍笏伏廊陰  
御前唯諾俱流汗虛賺蒼生望雨霖

王師薄伐罷征清反以危言忌太平慷慨臥薪何代事

謙恭下士若為情熏天氣燄黃金助百戰瘡痍白骨撐  
若識還遼真屈辱諸公未可念功名  
夔龍爭出鳳城西絨冕連雲白日迷賓客炎涼田竇換  
池園豪富愷崇齊當年奴僕隨珠履昨夜風雷動馬蹄  
慎莫近前天尺五恐令鼻息化虹霓

題柳井綱齋錄作詩自在

詩法謾分唐宋區性情豈有古今殊多岐卻失忘筌旨  
入室爭觀摘句圖縹渺無痕若香象玲瓏如意是明珠  
為君試剖前賢祕徹底聰明即合符

田中夢山樞密不二麻只雙芝仙館雅集賦一律

蕭蕭烏柏正霜飛昨日黃花瘦映屏絕塞藁砧望破鏡  
滿城刀尺動寒衣屏帷全絕羅紈影枕簟仍流玉臂輝  
高唱何郎明月句風人肯道接前徽

題宮崎晴瀾詩卷

晴瀾焚詩如然燭淚一寸紅燭為綠照見才鬼嘔血痕  
夜哭丸丸成雨粟快哉粟盡旁人肌一車載鬼燐四吹  
破到劉伶墳上土醉不可醒魂淋漓酒魂未灰詩魂老  
乃知此詩焚大好鬼名長留天地間萬古凡詩焚不了

翦燭集席上賦一律志感

擊鼓追歡強把卮潘毛怯照兩三絲少年跋扈名須早

醇酒英雄事已遲造物生才人所忌逢場作劇我猶疑  
江湖滿地箏琶調屈煞長安老妓師

又一首訂玉池仙子星舫再集之約

春風來日滿君家云似滄江貫月槎斗帳盞浮星舫酒  
素娥寒鬪玉池花詩成翡翠茗頭戲興到芭蕉雪裏斜  
好待同人俱翦燭墨香四壁動芬葩

星舫畫梅引

并引

頃有人自臺灣贈石球以文昌星像乃於祭詩龜側  
別構一室祠之顏曰星舫今茲丙申除夕潑散之會  
予賦此詩兼代丁酉新年試筆

蘭缸夜笑銀尊邀玉池的的春常搖流年乍覺盡今夕  
英氣略借梅花消明月雪時影髣髴主人祭詩一龜佛  
還招天上酒星魂載爲滿舫米家物米汁墨汁霏于煙  
五日十日如參禪也知能事不受迫捧硯待箇如花妍  
香囊四角開羅幌雜坐恍成薌澤想盡道春星帶草堂  
誰知上有魁星像是何奇醜司文昌握筆徒嗟萬丈芒  
不見列辰拱北斗翻然被髮來南荒運去謾隨翡翠貢  
道衰誰效麒麟慟炎風瘴雨幾傷心曷鼻魁顏果何用  
主人大笑君且休魁杓十石髡堪留儘教翠袖同扶醉  
料識朱衣亦點頭伯鸞昔創玉池社一代正宗歸淹雅

遺容魁梧目射人母乃此星巖下瀉百年賸馥存典型  
布衣尊比梅花靈夫妻偕隱少微側奚害嘒添三五星  
剛健恰資婀娜妙畫亦在神不在貌十指錯落星參差  
春遊仙人鐵笛竅

丁酉

新正三日赴大磯途上有感率賦一律

新正三日試幽尋欲聽黃鸝第一音官道梅花臨水笑  
野人門巷得春深絳霞晴嶽天中表碧落冥鴻海上心  
小草嗟予違遠志萋萋纔喜長暉陰

鎌倉東慶寺弔天秀尼墓和越山公韻

誰言二世挫雄圖大廈雖傾木未枯一片女牆明月影  
可憐鴉護落巢孤

而今墟墓亦無存鞠養當年未是恩豈識斷腸芳草寺  
有人拾翠與招魂

無數英雄興與顛如山白骨不知年誰如寒食花飛後  
淚灑空墳野火煙

高島九峰張輔醉茗處集遲勝間田蝶夢太守稔不

至兼懷秋月天放新用宋荔裳悠然堂詩韻

茗氣深籠竹半肩醉翁不至奈斯亭月中鐵笛春腔換  
雪後梅花臘萼青笑口哈哈詩可品酒徒落落社爲星



興來略試初鶯語雙斗何人側耳聽

夜雨酣樓雅集分陳碧城紅梅白石三生爲韻得  
白字

醉歌吳曲瀟瀟笑聘毛家惜惜斜風細雨簾櫳花影鏡  
痕人白

哀輓十章

繭館悲風集

繭館悲風集瑤齋凍雨潛雪塗敷素縞月御晦青山家  
廓彌留後帷軒掩靄間微聞玉溝水凝絕復潺湲  
晨瞻車駕出

晨瞻車駕出飛電倏長驅慘澹天容戚蒼黃羽騎趨慈  
闈垂大暮聖孝趁哀烏赤子情奚異歛歛拜道隅

宮門催淚燭

宮門催淚燭漏箭促更籌嘗禱悽愴絕神靈偃蹇愁鴉  
啼古槐市月黑大長秋髣髴先皇駕驂麟攝紫蚪

燎火連椒掖

燎火連椒掖縗麻伏帝闈外廷虔議禮內帑特宣恩優  
賜金雞赦哀霑薤露繁制喪由聖斷凡百詎須論

詔置大喪使

詔置大喪使親賢欽奉承壽原斟往制凶禮定中興哀

策動丹陛繁英思紫藤

英照追尊出乎欽定臣子不敢妄擬按唐李德裕詩云遙憶紫藤花繁英照潭黛其或本此

仙游壇

下路

泉涌寺古名仙游寺

潭黛傍先陵

先陵何鬱鬱

先陵何鬱鬱即空月輪山涼吹合鸞鶴澗聲如佩環仍

鄰舊窰窰別闢小屏顏想像虛無裏白雲王母還

祕器開仙洞

祕器開仙洞靈輿出大宮揚旛百神導雪涕萬人同供

奉羽林肅仗儀松炬紅普天方諒闇修夜杳無窮

腸作車輪轉

腸作車輪轉三條至五條星稀天暗澹霰集淚飄蕭事

竟悲黃壤生誰免素旄反驚牛步速早度夢浮橋

悲田院裏鐘

悲田院裏鐘迢遞響雲龍缺月生初夜諸天隱萬峰齋

壇吹簞篋泉壑倍琤琮下界齊昂首哀風雨亂松

味日翠微頂

味日翠微頂長藏白玉棺浮嵐隨土涌營火照人寒萬

姓叨遙拜殘僧共永歎汝知天子孝百日定回鑿

烏栖曲

烏飛啄屋嗟無家白頭啼煞紅櫻花延元陵上好明月

南朝天子還宮闕

宮女滿殿花芬菲越王笑遣西施歸  
沼吳茫茫不知處且向五湖采菱去

楊婆一曲白門柳待歡不來月來後  
篆絲百結心自然儂是博山鑪內煙

鑪煙裊裊情猶續聞君夜游頻秉燭  
不知何處野鴛鴦秦川少婦悲空房

織錦成字難成行一字一淚空彷徨  
報道天涯鷓鴣哭江湖滿地泥獨漉

水深泥濁魚樂栖伯勞東飛燕向西  
黃金虛買感恩淚世間無限不平事

借樂園集賦贈水野大路

信美瀛洲翰墨筵海南仙客喜吟聯  
隨緣小住非殊土歷劫相逢是後天  
偶似蔡姬歸漢日休論庾信入周年  
看君詞賦凌雲健肯爲江關一惘然

送永井禾原罷官赴清國上海

白日蜂衙早識微茫茫江海決然歸  
一生萍約浮猶可半熟梁炊醒已非  
花落誰言幽草好風流祇覺舊人稀  
春申浦口看飛絮定有閒愁霑客衣

酣櫻鬧杏罨成叢轉燭飛花感斷蓬  
官海磨人若磨墨估帆愁水復愁風  
且拚無賴醉三日有底不平春一空

罷疑明朝重綰柳尊前青眼喜君同

集唐十首贈紹春公子新娶

花堂闌下月明中韶豔朱顏竟不同

閒來吟繞牡丹叢高島吞象翁女故云

花堂白居易

韶豔柳宗元

滴露高駢

閒來杜荀

月窗風簾夜迢迢背面羞人鳳影嬌

清華公子笑相邀

月窗許渾

背面韋孝

花燭張說

清華曹唐

綵童交捧合歡杯珠箔銀屏迤邐開

九華紅豔吐玫瑰

綵童黃滔

珠箔白居易

蠟照李商

九華徐夔

沈水熏衣白璧堂芙蓉行障掩鎧光

飛蓋遙聞豆蔻香

沈水胡宿

芙蓉劉方

豈知韋莊

飛蓋韓偓

不知誰嫁杜蘭香酒汎金尊月未央

青羅帳裏寄鴛鴦

不知曹唐

酒汎劉兼

喜字孫元

青羅桂林女子

鴛鴦瀾瀾滿灘頭相望銀河隔淺流

碧天如鏡月如鉤

鴛鴦孟浩然

相望駱賓王

所慕韓愈

碧天溫庭筠

結作雙葩合一枝樹名從此號相思蜜蜂蝴蝶生情性  
昨夜銷魂更不疑

結作

韋莊

樹名

溫庭

蜜蜂

杜甫

昨夜

趙嘏

鬱金堂北畫樓東一朶紅酥旋欲融鶯舌分明呼婢子  
日高猶睡綠窗中

鬱金

李商

一朶

元稹

鶯舌

李賀

日高

白居易

山下碧桃春自開莫教雲雨晦陽臺如今正好同歡樂  
一日須來一百回

山下

許渾

莫教

武元

如今

李白

一日

杜甫

女牀無樹不栖鸞須盡笙歌此夕歡佳句麗儂紅菡萏

我心猶欲畫圖看

又善丹齊號  
玉山女史

女牀

李商

須盡

馮延

佳句

徐夔

我心

薛能

秋月天放見貺其存橐一卷賦此為謝用其與蝶  
夢唱和原韻

陛楯雨立哀優旃笑我鳧鳥難飛仙仕途苦觸襪穢子  
灌頂徒想醍醐泉大都處世忌獨醒矧乃為吏耽詩篇  
興來畢卓甕頭臥反驚衆口狂名傳忽披天放居士集  
豁然使我悟頓禪形骸放浪神卓立飄舉欲拍洪崖肩  
當其下筆倒三峽飄沙卷沫來滔天槎薪蘭鷓無不有  
要是鯨吼非寒蟬宜園高足橋門隱君傳法乳如瓜絲

賞音難遇我豈敢柯亭仰屋修竹椽胡爲局束困泥滓  
伊人一面猶慳緣何當浩唱砭俗耳柑酒相請黃鸝前

君管飼一鷲偶逸去索之不得忽開眼院乃迹其聲到于妹丈森川竹磯聽秋  
仙館主客初不相識款晤通名始恍然覺因而把臂清談竟日一時傳爲佳話

寄懷春畝侯在歐洲次越山公韻

遠佐親賢出海洋中天旌旆忽飛揚巨川舟楫皇常眷  
大旱雲霓衆所望丹詔鳳池銜日色珠槃龍闕捧霞光  
照看半壁歐洲影萬象皆師入括囊

雙芝仙館翦燭集席上寄懷永井禾原在上海虹  
口輪船公司次石埭韻

坐上松濤海上琴雙芝會客舊園林各天酒社聯歡好

同里詩人繫念深滬濱煙波空想像揚州風物定銷沈  
鬢絲一榻逢黃九韻黃早寄江湖夜雨吟

七月八日湖心亭勝集贈小野湖山先生

青蓮詩中黃鶴樓凡十數見意未休謝家青山雖可愛  
魂夢猶縈鸚鵡洲湖山先生蓮蕩住當日唱和蓮塘頭  
蓮花乃開詩世界一花一葉神常游十年前記拂衣去  
天妃廟樹黯自愁湖心置酒更蕭索月殘風曉花夷猶  
爾來舊京寄逸躅似曾不覺歲月迺成君平世未棄  
吳門梅福莫與儔神仙鬚眉皓白雪惟有酒處高歌酬  
飽餐東山秀煙黛得似澹妝西子不先生忽然命駕返

鬢髯張翰尊鱸秋湖亭歡聚重把臂笑揭昔日湘簾鉤  
黃梅雨過鵲語歇田田蓮葉搖碧流且引巨觥上君壽  
舊人誰解何哉謳一別紛紛忽哀樂蓮心自苦絲自抽  
不見跳珠亦已久深愧身世如雲浮先生繫抱猶此地  
知與謫仙江夏侔芙蓉十丈待君發行見豪壓沙棠舟  
酒酣槌碎恣奇語歡極起舞風颼颼狂奴肯助錦袍興  
願吹鐵笛驚潛蚪

中元前一夕北條鷗所招飲賦謝

一掃炎氛響午雷幽居欣值徑初開騷壇自合防多謗  
塵市奚妨隱大才與俗寡諧君且住諸人不慣我猶來

同聲好譜新荷曲驟雨吹涼漲酒杯

又用靈芬館中元夕水閣卽事韻贈蝶夢太守

花栽臨越國棠憩憶仙城五馬風流迹三年絃誦聲  
泝泗松嶼夢縹緲竹枝情七十二橋水何當尊共傾

短歌行

楚蘭盈袖匪風自香隋珠照乘無月奚傷一解今夕大樂  
鼓笛如雨爾舞游龍我歌猛虎二解

白絲行效杜意

白絲太潔朱絲直作直殺人如酒色聞言入世貴含垢  
天孫雲錦何所織碧綠青黃不可名翠翎孔羽秋蟬翼

著之無縫縹緲輕爲君盡態踟躕極豈知回舞生秋風  
雨鈴趁拍相丁東新聲正播廣寒闕故扇同捐長信宮  
班姬當日亦裂素煙霧誰畫乘鸞紅君不見質猶難保  
況其色人生禍是文章工

野田黃雀行

高臺聞悲歌落日西山阿顧視野田上黃雀一何多飛  
啄得其所豈辭栖蓬科田竇互傾奪貴盛復幾何昨日  
華屋處今日無人過多謝翟廷尉門上仍張羅

樹中草

道旁有樹干青霄樹中有草隨風飄草今雖榮匪遠志

可憐本根常動搖死錮南山猶有隙託根云牢亦何益  
一朝牆上難爲趨松邪柏邪五鹿客

題星巖遺臺後

晚愛誠齋詩律細五山詩佛漸同科鴨沂略駐顏唐景  
杜甫居夔近體多  
谿壑春姿老樹花使人技癢使人嗟神仙也想麻姑爪  
無數門生盡隔鞞

柳島旗亭同尾州耆舊送永井禾原再之清國

盈盈一水綠縈門銷盡江郎賦裏魂上海如今通巨舶  
尾州當日是雄藩人才多爲濟時出文字全由經世尊



長記祖筵皆故舊藕花香重柳絲繁

古曆十三夜雙芝仙館翦燭雨集得五十六字

終朝積水漲秋池可使東籬負好期風雨騷愁消九日  
神仙詩夢澹雙芝菊雖然晚秀如許月不勝寒無亦宜  
醉倩燭枝扶瘦影休關簾外夜淒其

既而雲破月來用夢山原韻又賦一絕

冷雨幽窗醉過秋驟寒難戒酒中愁侍兒俄報月來也  
欲卷珠簾欲上樓

古曆九月望夜蝶夢太守招飲用中秋原韻賦贈  
高樓置酒餞秋殘憔悴黃花映玉盤一夜陰晴杯底變

百年哀樂月中看霜臺寂寞軍營白雁戶飄零斥鹵寒

休唱大江東去曲關心水色動檐端

越後河決  
累月未復

席上邂逅山田寒山 酒戲作

刺史筵前酒正濃寒山詞客乍相逢那知不向楓橋去  
重聽長安半夜鐘

記事書感

樓船西極耀諸蠻飛渡齊煙反掌間魚氣夜驚萊子國  
浪花秋怒羨門山憐他防海徵丁盡憶昨班師洗甲還  
今日同仇忍回首田橫島冷月如環

星社小集送裳川游熊本疊韻

閑情動欲挈樊蠻主客亡何談笑間豪氣偶追河朔飲  
美游偏羨鎮西山疏鐘夜火扁舟住落葉秋風匹馬還  
料識關頭文字好隔江眉黛翠鸞環

臺北八勝詩黑屋天南久囑

何人玉戲奪天工欲以冬冰語夏蟲爲是芙蓉白如許  
炎荒爭拜雪玲瓏屯山積雪

慈雲縹緲擁瑤岑彈指嵐飛紫竹林彼岸回頭普陀近  
山風直作海潮音觀岫拖嵐

長虹揚彩臥滄洲咫尺奔雷闕上頭車影滅明煙一道  
半邊雨過夕陽流鐵橋夕照

羅輕扇小趁涼還認得弓鞋剛一彎素舸緣流誰濯足  
茗茗明月墮雲間稻江新月

芭蕉葉大壓人家鮮不知名蠻微花怪底吟衫乍如水  
瘴來前嶺罩陰霞錫嶺晚霞

水風獵獵響菰蒲三兩鳧鷗相拍呼上有烏牛浮鼻過  
一川煙雨戴嵩圖蘭渚曉嵐

冷雁哀猿和竹枝笛聲帆影又參差全然畫出新城句  
蘆荻無花日暮時蘆洲帆影

橫海將軍罷遠征赤眉何事尙縱橫笛中莫謾吹楊柳  
聞說邊愁卻盡生戍樓笛聲

遣興二首

塵海日險惡誰道濺灑難人心有反覆觸處生波瀾炙  
手天可熱轉面霜亦寒刎頸與睚皆離合何多端終令  
漢廷貴動作郵傳看昨日彈冠者今日又挂冠  
軍國資鉅億算輶無以償但使天雨粟不用烹弘羊欲  
濟杼軸急坐令米價昂銅山亦何有毒水流湯湯敢謂  
股肱情責備使我傷代公非絳灌鄴侯豈綺黃

送吳芳谿學士秀三赴歐洲

萬里歐羅此啓程千金肘後想專精材將藥籠多收拾  
學與丹沙并鍊成煤氣春回維納水電花霞迸柏靈城

炫奇耀巧尋常事我重茲游在濟生

和春畝侯金澤詩

一片冰心壺底明休論此酒濁兼清蓬萊屢欲乘風去  
葵藿應仍向日傾碧海潮頭萬波伏白雲山外數峰成  
避賢中聖何容易且和滄浪鼓枻聲

大岡硯海

育造

初老壽筵率次春畝侯原韻

芙蓉含雪笑當闌且拓心胸納衆巒將相功寧關鐵券  
神仙壽不借金丹會須磊砢消杯酒豈有英雄老釣竿  
眼底滄溟硯同闊莫教醉墨少時乾

又賦一律以志感

果教隻手障狂瀾，幹地旋天亦不難。遣興東山絲竹盛，披襟北海酒尊寬。謾言吹坐春風滿，豈識出門霜月寒。翻怪當年鼓刀叟，白頭無語只垂竿。

玉池仙館臘尾翦燭集賦得二律

畫蘭合璧對芳尊，愛替騷人招古魂。把臂誰期厲樊榭，同龕好配法梧門。風微石鼎生泉韻，花側冰甌瀉月痕。匹似玲瓏山館勝，消寒佳句翦燈論。

好事如君世所稀，零紈斷墨抵珠璣。龜頭絳帖花盈架，竹裏青琴月款扉。奚鐵生詩分逸格，金冬心畫接清徽。蕭閒便是人間福，品到西泠五布衣。

除夜祭詩龕觀馬南齋臨閣立本職貢圖歌

竹西歌吹珠簾卷，行庵文醺紅氍展。二分明月在揚州，

揚州二馬一時選。

馬曰瑄字秋玉號懶谷弟曰瑒字佩兮號半查兄弟齊名稱揚州二馬行庵即懶谷所居葉震初有行庵文醺圖南齋半查別號

文

物猶記乾隆年，江湖風雅羅才賢。朱

舜符

查

慎行

厲，繼爭來載酒，書畫船客散一軒。透月出虛廊，覓句

白生室。

兄弟別墅小玲瓏山館有透風透月兩明軒及宛句廊諸勝

夜闌獨翦雁足鐙。

樊榭有漢銅雁足鐙，歌為馬佩兮作也。

圖乃成半查筆，昔聞閣公職貢圖。棧山航海殿陛趨，般

般之獸恣譎怪，後來止數龍眠殊。

明袁海叟云職貢圖有二一為閣立本所作人物稍大無樹石一為李龍眠筆人物

差小而有樹石閣本甚古李本為秀發均之未見優劣也

何居南齋入冥想，苦將異物相臨傲。恍

見擊鼓吹蠡來，大秦獅子身毒象。伊犁事定金川平，當

時邊微風煙清料識圖邀賓客賞長思詩賜兒孫榮

乾隆三十

九年賜馬裕古今圖書集成一部平定伊犁御製詩三十二詠

平定金川御製詩十六詠并得勝圖三十二幅裕喇谷子也

二百年來風氣替此圖

流落東海裔玉池齋頭我見之今茲丁酉將卒歲前身

錢塘厲太鴻相挈仁和杭大宗詞人盡赴祭詩會傳觀

不異小玲瓏天寒欲雪忽鳴咽禹域山川霜霰急聞道

鮮卑逼薊燕君臣只作新亭泣

時聞恭親王赴邊都江南之策為之慨然

又次石埭韻題其墨戲

呵毫墨瀟忽淋漓圈出梅花骨裏詩天下羨君仙分厚

佛前幻此美人奇臘燈照客驚搔鬢髮几開尊醉拄頤

疏竹瀟瀟風簌簌一般清味畫中知

槐南集卷十七

槐南集卷十八

東京 森大來 公泰

戊戌

新年雪

梅花蓬笠雪飄香笑對辛盤多覆觴春在灞橋驢子上

令人先憶孟襄陽

萋萋春服伴冠童略出都門便不同今是昨非誰管得

雪天射鴨竹枝弓

不道天寒微雪時春風消息玉梅枝與君同貫旗亭酒

一曲雙鬢合是誰

長安市上雪濛濛  
早有春鎧酒肆紅  
只恐終南山色霽  
詩人意盡暮寒中

星社小集道情一律

春風六六鬢毛輕  
身世評量悔有名  
錯識人間憂患字  
獨關輦下毀譽情  
官嗔今我依然拙  
家喜諸君各自成  
從此花前閒闕酒  
同將一醉答升平

花香月影題辭大江敬香

李之囑

馬蹄多向五侯家  
得意春風吹鬢華  
獨笑孟郊寒骨相  
與君一日徧看花

好句江南解斷腸  
茵花泥絮共評量  
當年柳北那須數

小賀方回大敬香

杜牧風流未消歇  
君身況是有仙骨  
梅花院落一枝簫

楊柳樓臺二分月

夢爲蝴蝶須臾境  
解語黃鸝欲三請  
抵得揚州一覺無  
風花禪榻茶煙影

三月星社小集次石球聽雨韻是日雪

徑掃雪還聚巷寒  
鶯未鳴春風自何至  
門有履綦聲  
乍小紅纈酒旋初碧  
生霽朝追俊約同賦麗人行

偕樂園上村賣劍

才六

招飲兼贈湘南

聚首欣尋翰墨緣  
暫歸小住共芳筵  
梅花隔院春星白

松子登盤夜月圓  
賣劍知非彈鋏客  
修琴還記入山年  
何當相挈拾瑤草  
此夕清歡醉欲仙

廢詩久矣偶湘南  
來話別惻焉傷懷復  
理舊絃不覺我手之澀也  
時戊戌四月初七夕

三日不彈手生棘  
悲來陡覺琴柱促  
二十五絃腸九回  
一絃一柱思所觸  
芙蓉凋露蘭摧霜  
皇英二女啼瀟湘  
愛而不見帝之所  
離鸞別鳳空彷徨  
休論移宮與換羽  
只聞恩怨相爾汝  
有屈靈均臣失君  
有尹伯奇兒訴父  
況我良朋遠別離  
誰人不言同苦悲  
爲鼓天風海濤曲  
成連欲往神淒其  
憶君昨譜思歸引  
塞上梅花照瑤軫

一身坎壈仍寡諧  
雉朝飛兮恨何盡  
抱琴再去邊月寒  
知音難于行路難  
回首長安甲第貴  
幾人留得董庭蘭  
白日黃雲滿眼淚  
悲歌且效高常侍  
北風吹雁雪紛紛  
一種人間不得意

用申浦姚芷舫文藻原韻題禾原西游詩彙後兼言

別懷

甜夢濃香春沁骨  
夢中笑抱桃花立  
是蝶非蝶仙乎仙  
似扶花底秦宮出  
扶桑若木看尋常  
便道申江似故鄉  
何枝乍可成連理  
此國由來號衆香  
杳迷三里五里霧  
水接長亭短亭路  
如歸賓至鶯燕迎  
到處且佳爲小住

烏闌句就令人驚涉筆輒看檀痕生柔情隱作芙蓉語  
一寸蓮心拗不成喧徧歌臺與舞榭鬪鴨闌干鬪雞社  
盡說刀翦吳江波不論紙貴洛陽價春風吹我仙山愁  
忽復不見如三秋把君詩卷情一往休較蓬萊清淺流

和裳川落花

鬧紅驟點馬蹄新軟盡東華門外塵帘影風來同欲颺  
衣痕雨集乍生皴優曇虛作須臾夢蝴蝶難憑現在身  
那似綺羅吹散後一聲清磬送濃春

恍然羽化惜銀杯可趁行雲到楚臺春雨江南江北過  
夕陽樹底樹頭頽情天難免神仙謫香國誰防鶯燕猜

須早五更風裏覓西施幸未葬蒼苔

飛去飛來弱不堪飄飄身世替君諳影於柳絮泥中印  
禪是茶煙榻畔參燕子樓空紅粉盡鴛鴦湖冷綠陰含  
猶餘惹草縈沙恨春水溶溶到舍南

誰道人間玉碎難當年金谷自摧殘禁持哀笛聲聲慢  
生受輕風翦翦寒女忌聰明終落溷仙憐飄泊便飛鸞  
一春夢雨何須問渾作泡漚露電看

前身記住四禪天化作三生石上煙愛向維摩方丈散  
欲拋太白酒杯眠重來指點漁郎路一掬分明王女泉  
只爲生香長不斷空中相見鏡中憐



偶感二首似雙芝翦燭諸吟盟是日風

十日關心雨與晴良辰樂事惜難并舞衫塵污那堪著  
鏡水波生不可平坐使飛花違好月今年花時無月早聞啼鴉餞  
流鶯名園剗地繁華歇反覺春風似世情

蠟屐巾車興正酣閉門何意學眠蠶陌頭風緊由他過  
牆內花飛已不堪只恐迷塵忘城北忍將好景負江南  
多君為秉今宵燭我欲言愁且半含

戲贈禾原

淞濱花影燦銀缸絃索棖棖隔畫幃一自鷗枝搖夢去  
讓君好句擅吳江

五月八日雨中星岡雅集賦似矢土錦山小室屈

山高野高野竹隱田邊碧堂諸子

遠朋聚首帝王州破我櫻花落後愁樂事經春欣有託  
吟人于世復何求當壚酒只金貂貫借榻禪偏玉板優  
此味謝君猶未忘綠陰話到夕陽幽

老大生涯抵布衣喜看同學半輕肥豈知結社關詩運  
直欲扶輪轉世機壺榼提攜應不絕燕鶯徵召也無違  
相逢論盡觴中政卻笑人間有是非

十三夕祭詩龕翦燭雅集分韻率賦兼餞竹隱

故人并餞玉池坳花後殘詩和雨敲睡鴨一絲香篆冷

眠琴半榻綠陰交黃河遠上從君擅青眼高歌解客嘲  
更展幽懷永今夕不妨暫把別愁拋

罷官作

此日纔真脫卸新朝衣十有八年塵檢來酒暈如殘夢  
成就詩人在一貧敢向田園寄高傲願栖城市免沈淪  
吟朋推許吾何讓云是宜扶大雅輪本田種竹  
菴中語  
釣鼇東海接滄洲心折神仙李鄴侯恩尙未償時若此  
才雖然拙誓相酬無如小伎雕蟲喜何幸微官附驥休  
明日煙波乘興訪公今已伴野人鷗

將發帝都春畝侯相有詩率用原韻口占一絕

茫茫禹迹今猶夢明日回頭恐作虛山海關前誰立馬  
盧溝橋下且乘車

七月二十六日夜發大磯到岐阜明夕汎長良川  
作

萬里觀風夜啓行連看銀漢照人明今宵重泝藍河水  
便是浮槎第一程

西都客舍次福原周峰見贈原韻

絕巘鐘聲祇樹林清風夏木自森森披襟剗地把君臂  
流水渺然如我心紫極朝廷仍煥蔚青山蘭若任銷沈  
全忘世有趨炎事肯效梁鴻廡下吟

嵯峨山莊八勝詩為周峰作

衙巾青鳥語春風山翠花紅水碧中願躡扇前衫後影  
為雲為雨峽西東嵐峽嬉春

西都本是美人鄉三面青山眉黛長即此飛嵐也堪愛  
春風澹宕掃晨妝愛宕飛嵐

銀浦流雲限碧霄細看一道水蕭蕭嫦娥不用奔將去  
仙袂涼吹渡月橋月橋趁涼

奔峭急湍舟一葉盤渦轉轂浪千回浪花飛上大悲閣  
直訝星河樹裏來寶津浮筏

十三絃上暗愁生萬古齋宮空月明風入松來紛若雨

亂絲難理是秋聲野宮聽秋

蓮社詩僧物外蹤我來弔古幾停筇五山今日傳鐙滅  
空聽天龍寺裏鐘天龍清梵

滿眼霜楓點翠微夕陽輦道認依稀當年盛事堪追想  
宮女如花亦錦衣小倉霜葉

一篷晴雪看無痕萬樹垂垂笑欲言津口漁翁閒指點  
梅花今亦有仙源梅津晴雪

神戶宇治野山俱樂部瀨鴻氏招飲席上戲呈春  
侯

一曲高歌今再聞依然豪氣欲凌雲英雄入眼何人是

三十年前舊使君

巖崎水哉度音羽花壇小集次長井倚樓生見贈

詩韻兼似神戶諸名流

不願浮榮不羨仙破家結客便豪賢來詩有我亦與中會結客  
產傾家破十餘年之句我今

偶發淩滄興君亦曾乘破浪船名士襟懷澹如水神山

門戶碧於煙魯連一笑拂衣去休問重逢定幾年

曉過周防洋驟雨俄至即景賦呈爵相

波觸輪機軋軋鳴通宵客夢欲無成醒來晞髮柁樓曙

嘯罷看星針路程一霎雲吹海南雨半邊山放鎮西晴

平生眼福何奇絕三度從公賦遠征

長崎偶贈

棖棖絃索譜長崎無數嬋娟各樣姿同是相思川畔草  
不知何草最相思

仰陽亭次丹羽翰山韻

四面煙巒積翠同倚闌顧眄覺神雄衆星象緯參差逼  
萬國梯航咫尺通此去雲濤從汗漫誰能天地脫牢籠  
也知葵藿傾陽性長挂扶桑杲日東

釜山晚眺

海門山色碧依然未覺前游光景遷人影生漪明鏡底  
夕陽行酒玉壺前漁舸將逐鷗夷迹戰壘仍望太閤船

蠢蠢白衣如白鷺有誰來往問桑田

海上卽事志感

極望雞林霧半披布帆不動鳥飛遲未知風色何時變  
謾詫巖形當面奇國弱誰扶傾廈急海平全忘倒瀾危  
羣山萬壑空屏障眼看九天雲下垂

漢江舟中

揚舲徑泝漢江水滾滾黃流三十里江華島角戍壘閒  
伏波樓下眠鷗起聞昔戰艦橫蘆灘沈江定有鐵鎖殘  
是誰籌海衛畿道今我擊楫輕波瀾推篷一笑望何壯  
信美宛成吾土想莫令王氣隨逝川南山萬古青無恙

景福宮詞

仁王山色鬱崔嵬不見三年玉輦回翻坐塵封勤政殿  
虛懸日月照蒿萊

憔悴芙蓉怨素秋哀湍噴薄響巖幽可憐宮殿微風極  
燕雀高栖慶會樓

坤寧小閣閉青苔鬼火星星恨未灰賸濺白頭宮監淚  
玉壺樓下進香來

乾清宮外醉香橋橋下潺湲水一條流恨不消紅藕死  
露花風葉泣蕭蕭

漢家伏后比傷心匿壁倉皇夜月沈今日曹瞞亦黃土

不應魂魄恨華歆

松嶽濃嵐溼綺扉靈風白日動秋幃不禁哀淚迸林藪  
何處空墳燒寶衣

觀稼門荒草滿阡夕陽箕子舊山川漸漸麥秀空如浪  
大有軒頭碧漲天

昌德宮觀女樂引

昌德古宮倚山作谿巒窈窕藏瓊閣門樓牌坊不記名  
是日賜筵大合樂繼毬紅照演慶堂嘉賓琴瑟東西廂  
梨園弟子嬌結束絳脣珠袖排兩行先是內庭教歌舞  
傳頭髮鬢開元譜伎成鳳紙僉名呼念奴玉笛花奴鼓

鼓舞盤盤迎拍搥髮髻側鷓釵斜孔翎翠羽搖并并

垂手香顛雙枝花

鼓舞

反袂颺颺風乍起鍊鋼一掣柔繞

指公孫聶隱神合離白虹紫電射秋水

劍舞

是何少年衫

笠姿長身玉立攜蛾眉低回似怨新婚別撲朔迷離渾

不知

男舞

驚散一雙雄蛺蝶樂極哀來淚交睫漢宮不見

傾國人只聽蟬聲催落葉

葉舞

曲終不覺月在檐涼漪滿

殿吹細簾韓廷袞職親進酒捧杯還倩雙玉纖行人既  
醉心愉悅曲中悲歡幾回閱出門遙拜慶運宮兩國猜  
嫌從此絕

龍山曉發是日大霧

龍山蒼蒼曉翠分長天一色麻浦雲江山如此人不出  
霸才猶說大院君可惜身為天子父暮年神傷南內雨  
骨肉滿眼空羈孤梧柳洞深啼杜宇忽然大霧迷四篷  
魂若不毅非英雄舟人指點孔德里白楊蕭颯淒以風  
登州海上卽事兼弔丁禹廷

曉從威海入煙臺齊魯雲煙眼底開岱嶽喜迎新稷契  
秦皇悵望古蓬萊當年覓藥樓船盡昨日操戈礮壘頽  
獨有傷心丁令鶴飛來淚濺浪花堆

九月十二日榮中堂

啟

北洋醫學堂醮集叨陪席

末恭賦紀盛兼呈袁慰廷廉訪

世凱

旌旗津口夕陽開鼓樂清秋笑舉杯喜厠冠裳盍簪集  
待看琴瑟改絃來西崑北漠今同軌東箭南金盡異材  
最是推袁多駿骨明朝攜手上燕臺

時廉訪應  
召上都

王苑生觀察

修植

招飲席上次其贈伊侯詩韻

縱目津門閣高樓倚上游江山尙餘恨花鳥亦關愁勢  
異三分國洲連半壁歐誰防未然禍爾我慎邊籌

燕京使署讀中島時雨

雄

日本酒歌輒歌而和之

佩刀無若日本刀鷗鵝瑩膏龍血臊割斷人間不平事  
豈知酒亦如此刀酒兮酒兮爾之來此實不遠千里冰  
心一片笑見玉壺峙杯底山河如聚米憐取揚波皆濁

水燕山健兒拍銅斗爭來一霑日本酒直令飲者留其名寂寞聖賢今乃有忘我憂借君箸搖五嶽驅百祗酒中乾坤一整頓纔信堯舜千鍾奇還他風俗淳且良汝陽不願移封王髯參長嘯肝膽露忽復斫地悲歌狂君不見幽州胡馬客日醉葡萄浮太白不知匣中刀一鳴邊風瀕洞來自北

西苑紀事詩

明治三十一年九月二十日即光緒二十四年八月初五日清國大皇帝御勤政殿接見伊藤侯相畢賜酒果於西苑門內朝房大來以隨員之末得親觀龍

光叨霑仙醴恭賦七言長句四篇用志欽仰

滄海安瀾正及時昆明錦石動漣漪九天閭闔開魚鑰兩國夔龍集鳳池往日畫圖觀象戰先朝御製賦冰嬉今皇勤政應無比特召王賓近殿墀

太液溶溶接紫霄牙樯錦纜木蘭橈鏡中駘曼瓊華島樹杪虹浮玉竦橋馳道青槐擁仙仗妝臺白塔想雲輶聞言問寢雞鳴後瀛秀園門下輦邀

星環帝坐儼分行雉尾徐開鳳翼張微見御鑪絲冉冉旋聞天語玉琅琅中興政已期振作外國臣今願對揚咫尺蓬萊清淺水自茲同濟屢褰裳



天潢銀漢共仙篙謂度似此恩榮有幾遭中海新聲詠魚藻上林故事賜櫻桃涼鷹南泊奇毛健拄笏西山爽氣高儻許宸垣行擊勝好從退食記金鼈

看月有懷是夕古曆中秋

長城雁影幾回翔忍過完顏舊帝鄉月魄銜冤迷絳市露華流恨滿銀牆沂從河漢人何在照到崑崙夜未央驚見瑤池啓明鏡蛾眉蕭颯是秋霜

永井禾原徐園雅集偶抒胸臆兼似滬上諸名士  
四首

笑拂宮袍走九州漁竿鐵笛海雲浮帶將太液池頭月

來作春申浦上秋豈想清商偏變徵忽驚甘露是疏謀  
西風菰米蓮房外觸起江湖滿地愁

滬瀆煙波小住佳燕山消息動關懷黨成新貴爭功急  
禍至清流覆轍偕命駕誰思羹膾美陶情擬借竹絲諧  
翻憐嚴譴新疆客燈火淒涼百石齋張樵野家藏王石谷畫百幅而無一贗本故以此名齋

夜半賢良寺裏鐘李少荃詞章在燕都寓賢良寺中鐘鳴漏盡聽吟蛩一身何

誤貽家國百戰無功讓附庸遼海怒濤頻撼地夔城落日又傳烽時四川有餘蠻子之警徒薪虛費鄰人告白髮捫心恨萬重

且喜同文重亞洲聯翩裙屐競庶酬移宮換羽霓裳序

脆管繁絃菊部頭前日恭和甫觀察招飲洋務局看戲是日姚石泉汪穉卿又同觀女伶演伎眼看乾坤皆戲

劇誰將粉墨抵春秋重來好餞黃花節願與羣英續此游

曉入長江過通州卽目

平遠江山始微茫塔樹分人家稀可數舟語近堪聞觸目生秋意回頭問白雲天涯誰避弋驚雁落紛紛

江陰縣所見

絕壁閑亭堠峰巒紫翠攢江流微一蹙潮勢復千盤礮壘爲誰戍估帆行自安莫如鷗意樂秋雪散蘆灘

夜過鎮江

長年指點鎮江樓暎帶寒潮上下流兩點金焦看不見

夜船燈火認瓜州

北固南徐取次過吳頭楚尾夢如何客愁無月冥濛夜第一霑衣水調歌

他日扁舟歸莫遲揚州風物最相思好賒京口斜陽酒流水寒鴉萬柳絲

擁被一覺已過金陵東方漸白遙回望鍾山於煙靄模糊中

蔣山煙樹曉蔥蘢擁被空聞白下鐘怪底秋風秣陵水流儂殘夢到吳淞

蕪湖

采石江聲遠天門帆影移吳船集姑熟蜀客問蛾眉

天門山即

大梁山一名蛾眉山蘆葦蕭蕭響旗竿獵獵吹幸無瀧吏訊靜檢畫中

詩

天塹

天塹茫茫未足憑  
檣樓笑倚最高層  
無多人物論成敗  
不盡江山管廢興  
秋水落霞生荻港  
夕陽孤鶴下銅陵  
仙蹤安得青蓮興  
手挹浮丘一再登

銅陵有李太白酒樓

小孤山

謳鴉柔艣出菰蒲  
澹雅仙鬟見小姑  
只待馬當風送雨  
彭郎磯外片雲孤

湖口縣

天以空濛煙故補  
湖口缺一帆來破之  
了了見林樾廬  
山露半面夕陽又飄忽  
遙知彭蠡湖倒影  
浸溟渤謝公  
凌絕巔諸嶠若簪笏  
李白乘舟行石鏡  
照毫髮九疊屏  
風間迤邐啓金闕  
石梁何處邊白虹  
紛紛出沒回看大江  
流瀉我襟胸闊  
仙人來飛霞秀色可  
擊結

湓浦

皖口西來此問津  
峰巒峭削壓城闈  
天吞彭蠡風濤壯  
雲撥匡廬面目真  
聞昔九江師屢敗  
卽今五老揖相親  
氤氳不絕香鑪頂  
訝許仙旛紫氣新

潯陽小泊口占

省卻天涯淪落情  
扁舟半日泊湓城  
城頭踈地垂楊柳  
不見黃蘆苦竹生  
瑟瑟聞聲秋可憐  
夕陽楓葉荻花天  
琵琶亭下潮千尺  
肯送佳人過別船

九江弔李太白

謫仙昔臥香鑪峰  
手折九朶金芙蓉  
便道杓鐺共生死  
九江之水如酒濃  
海傾鼇抃須臾事  
謁帝金鑾空得意  
不騎鯨去歌鳳來  
此時江合變爲淚  
可憐永王五百金  
買盡白日飛升心  
一錢不用還自誤  
朗月清風何處尋

黃州

夜深波浪涌楚火  
兩三明云是赤壁  
下忽聞烏鵲聲  
雪堂何處所鶴夢  
苦難成欲拍銅絃  
唱暗愁隨月生

古琴臺

枯荷殘荻滿滄洲  
寫出琴臺萬古愁  
一自先生絕絃後  
移情惟此月湖秋

臺在湖中

漢陽

王氣銷沈已不堪  
空言猶託晉清談  
無端愁絕桓宣武  
楊柳蕭蕭老漢南

伊藤侯相甫抵江夏張香帥

之洞

設醮於黃鶴樓大

來亦忝席末卽賦是篇

黃鶴仙人不可見黃鶴留題昔賢徧平生夢寐黃鶴樓  
要看白雲古今變鸚鵡洲邊森森波晴川閣下帆檣過  
風景不殊聊復爾夕陽雖好奈若何獨喜中流存柱石  
十年將帥蒙恩澤滔滔沔漢此朝宗張公真是江海客  
忽報海上紅霞來清秋畫角油幢開佇看伊人宛在處  
夾岸錦浪相潏洄聯歡豈獨縞紵誼尋盟須固金甌計  
不然四海狂瀾騰動淪神州陸沈勢此會乃能消百憂  
此筵自爾足千秋卽余此遇更奇絕敢期眞箇登此樓  
愛吟白也詩千首相思長繫武昌柳脚翻拳搥恕疏狂

吹笛請歌將進酒

欲歷游楚境不果夜出漢口作

暝色荆門來洞庭渺何許神往岳陽樓氣接瀟湘浦忽  
已促歸裝夜辭鄂州渚程須早下吳夢猶不離楚自我  
出蓬瀛久分黃鵠舉敢謂游意倦非關風水阻矯首望  
蒼梧心傷帝之所青山空九疑權失虎變鼠感此悵不  
樂推篷再延佇大江莽自流中原恐無主鸚鵡弔彌生  
攻姦急鳴鼓炎日淪虞淵殺身竟奚補美人隔秋水漢  
臯憶交甫解佩亦徒爲披誠誰共語靡靡且行邁茫茫  
觸離緒天黑星爭光燈火澹孤嶼

金陵偶占

眼看龍蟠虎踞雄大江東去六朝空可憐燕子桃花恨  
渾與臨春結綺同半里橋殘垂柳碧最高峰迴夕陽紅  
梅村樂府南廂叟淚墮雞鳴十廟中

下關江口待安慶輪船不至賦此排遣

形勝金陵舊所聞南朝煙草儘芳芬福王社稷鶯花盡  
洪逆瘡痍玉石焚燕子磯高紅帶日盧龍塞遠白連雲  
順流卻覺帆來晚容易江山怕落曛

與春畝爵相赴禾原虹橋輪船公司夜齋時陰曆  
九月十二夕月光皎潔如晝

同鄉殊土會羣賢陪得扶桑第一仙菊澹未消重九醉  
月明猶待十分圓美人虹影橋搖水畫舫鐙痕漿盪煙  
何日金閨門外去館娃相見照嬋娟

辛園看菊贈仲卿主人次禾原韻

感君培養厚晚節訂奇緣甲帳繡襦護辛園霜菊憐  
暗水通香徑明鐙照綺筵珍惜順花性東籬日灌泉

十二月十六日重游名古屋作

一瞬重乘百里車興來肯道故園賒煙連銀杏村邊樹  
霜冷金鱗郭外笳此夕聞歌忘臘尾昨游如夢渺天涯  
酒杯盞作晴濤色猶訝春風動海槎

謁勢廟後宿津市聽潮閣天偶雪春侯有詩卽次  
其韻

一自無心隨白鷗前程浩渺不言愁神山舞緩風飄袂  
古市歌闌月滿樓聽到夜潮神忽往和來陽雪句堪收  
褰裳夢涉滄溟水九點齊煙眼底浮

歲晚雙芝仙館翦燭集席上作歌

彌望茅葦附風雅俗耳雖諸真賞寡誰如翦燭兩三人  
吾鄉詩客在京者鉅匠首數雙芝仙夢山樞密鷗鷺性情并陶  
冶如予寒士常見庇意若杜陵思廣廈玉池梅花嚼墨  
清妙香隨句恣揮灑永阪石埭蘘谿楓葉映鬚眉鑑見潭心空

月瀉水野大路三十年前此數公吾先君子桑三社相攜載酒

問奇來豈知復聚輦轂下世交不廢文字緣賤子喜極  
淚盈把今宵雨集依舊佳分箋休使燭枝地憶昨海外  
觀風還禹迹詩荒堪嗚嗚徒工弄雪嘲風辭叩其根器  
默如啞倒從黃浦見吟盟永非禾原吾輩中人不疏野公論非  
關桑梓同真才寧在標榜假酒闌興極雨不休醉言滂  
葩任取捨亟須畫作翦燭圖流風遺韻被華夏鴻便附  
寄子由書子由借稱阪本三橋瀛洲詩仙如是也

又分韻得歌

手翦吳淞江上波歸來水閣嬾聞歌一從親覩瀟瀟景

暮雨銷魂奈爾何

又次石埭韻

一帶長江往復還詩情多在暮愁間尤思挂席幾千里  
鷺見潯陽郭外山

柳南集卷十八



247

53

槐南集

24

55



槐南集卷十九

東京 森大來 公泰

己亥

玉池一半兒社亥年第一集賦此以資歡噱

玉池半生隱醫局以其一半拓詩屋屋分爲二舫與龕  
半倚梅花半修竹有時藥杵擣玄霜有時禪榻翦紅燭  
帳列燕釵蟬鬢雙坐耽棐几湘簾獨龜頭錢叟紅豆書  
舫底岳姬墨蘭幅半日讀畫半日詩已疑半是神仙福  
近復創社一半兒名奇肯襲元人曲妙舌半偈生蓮花  
新詩半格吐幽馥翩翩入社半少年春衫草色半庭綠

杜陵野客鬢半絲強廁其間許徵逐如召牛老徐娘來  
乍驚且喜半自慙胡爲對酒猶攢眉半醉半醒苦不足  
我乃乞靈半匕君莫怪願醫天下詩人強半俗

次裳川梅花榻歌韻題石埭畫梅

延月來作梅花賓君乃下榻梅花鄰飽看花態及花影  
花之風韻花之神吮毫并入寫生手每枝吸乾一杯酒  
酒香墨香萬斛春自命梅花好朋友忽然放筆醉欲眠  
揮之不去人乎仙花魂蛻出幃左右月意相猜帷後前  
依稀留得林下約雖然是夢亦不惡明朝一幅挂軒頭  
又恐啁枝誤霜雀乃知畫妙真通靈磊落羣玉參差星

并刀一一爲翦取西湖寒碧涵清冷傳聞遠客歸興在  
一枝相贈何用待昨之所畫已見之美人豈可阻雲海

君頃得永井禾原上海書信云元日衝雪上山折梅一枝活之瓶中近日歸東嘗以爲贈

相思一夜喚奈何我無福相空

吟哦安得與君換仙骨時坐花榻參禪那峭寒徹骨詩  
思發略疑雪盈冰甌潑不堪相倚玉池梅顧影尋常小  
窗月

讀禾原浙游謾草題其後

全湖倒景鑑清虛笑放扁舟代蹇驢一權移來剡谿雪  
孤山求到茂陵書情能獨往詩中得花乍微明月下如  
想見黃昏浮動氣和杭州酒滿衣裾

淚灑黃冠一曲琴鳳宮殘趾俯蒼岑晚鐘和雪敲天竺  
舊事如煙問武林豐樂樓花鶯細細翠寒堂柏月森森  
只今惟有冬青恨誰向吳山立馬臨

偕樂園席上次禾原韻

和何容易唱應難白雪幽蘭愜素歡況箇梅花乍開口  
任君鐵石也銷肝哀絲陶寫中年樂輒語禁持半臂寒  
酒醞情濃動春酌不辭秉燭到宵闌

說詩軒夜話分得月字

春壁生峭寒欲花夜無月吟朋圍一鐙茅堂敞十笏衆  
笑索詩逋我醉辭觥罰欲教車轄投還恐南酒瓶竭送

檐際梅妙香寂中發

草堂揭題春寒戲效義山無題體賦之

挑菜歸來詠絮工呵毫賦就韻玲瓏平陽歌舞簾前月  
昨夜星辰檻外風十斛珠勻如集霰五銖衣薄乍驚鴻  
曉鶯喚醒梨花夢人在鑪煙小閣中

新聲聽水復聽風分付梨園譜未終此夜月中微有笛  
何人牆外巧移宮隔花旋攪金鈴響倚樹還防豔雪融  
薄醉君王斗然醒沈香亭北曲闌東

脈脈愁心叩叩通水精眠夢一簾空粉牆斜搭鞦韆索  
繡戶深移鸚鵡籠碧落應難消月暈黃昏漸不辨花叢

憑誰撥起香篝火萬種相思臘豆紅  
天陰微雪晚空濛豪興誰家党帳同半臂添來深院落  
雙鬟賭向好簾櫳詩成冰叩泠泠玉夢醒鐙搖短短篷  
應是道人姜白石小紅低唱過垂虹

雪日無聊讀錢蒙叟有學集有戲詠雪月詩因拈  
其雪事七題仍係以端歌

周武王

八百諸侯練甲雪照見白魚紂可伐妲己玉骨凍已僵  
獨哀西山冷薇蕨以暴易暴同雲濛會朝天色清曠曠  
河伯笑拱師尙父本是孤舟蓑笠翁

穆天子

穆王八駿飛影速蹴散崑崙玄圃玉歡娛轉轂閱風涼  
盛姬不返悲黃竹山陵自出四海家王母戲幻瑤池花  
飄如柳絮散蝴蝶誰爲猿鶴誰蟲沙

宋太祖

夾馬營中雪花點一榻之外無紅燄此時不問學究家  
凍煞殿前趙點檢熾炭燒肉呼妻迎吾意正爾姑試卿  
出門一笑雪欲霽羣星殘月猶微明

蔡州夜捷

懸瓠城頭餓鷓叫四無人煙雪薤竈自天降下天王旗

殺氣軍聲壓山峭鐵騎蹴踏風回旋百二十里無停鞭  
封狼熊羆一掃盡敗甲殘鱗空漫天

謝家詠雪

撒鹽空中兄子朗柳絮因風女才長公大笑樂家庭間  
芝蘭玉樹森蕭爽苻堅雖走天南傾中年哀樂難為情  
典午山川何所比胡馬如雪紛縱橫

龍門賞雪

嵩高照人風雪裏龍門石樓冰縈縈倚闌西望煙微颺  
有馬蕭蕭渡伊水錢公傳命官屬休府事甚簡且少留  
笑開廚傳醉回眄梅花亂灑歌姬頭

宋子京修史

錦障覆屋花迸霰閉門垂簾雪微顛椽燭金釵姬兩行  
消寒且草唐書傳呵凍濡墨香淋漓自非解人那得知  
寄語相公空自苦讀書臬山啜粥時

偶占

誰道風情不可刪尊前愛挈好鴉鬢人間縱酒顛花外  
修到神仙也等閒  
綠楊城郭是揚州廿四紅橋騎鶴游明月二分珠十斛  
腰纏解去作纏頭

為碧堂題石球墨梅



鼎縱堪扛贖不支吾詩傲兀格偏卑讓君積健植枒骨  
止畫梅花一兩枝

野口太孺人五十壽詞爲寧齋賦

畫地當年荻自操風詩誰不念劬勞遣兒海內交賢哲  
有女鐙前佐尺刀慈竹天寒抽孝筍仙山酒碧進靈桃  
梅花如雪籃輿外笑見潘安未二毛

二月二十七日東台卽事

傾盡消寒酒一尊偶然杖屨出柴門青山爲是先塋近  
引到梅花日暮村

香廚鴉散夕陽中三十六房鐘杵空立盡淒涼寬永寺

淨名院裏一花紅

憑誰尋句拾餘香聞道牡丹誼洛陽淨域曾同崇讓宅

詩人爭問贊公房

開淨名院昔以牡丹名

蘭若無人淨碧苔徑微山淺轉林隈尋常羅綺閒裙屐  
只到將軍廟畔回

送橫川唐陽赴豐橋

夜賦催妝曉啓途

前一夕完婚

青山看此塔眞殊陌頭鶯亂啼

相送樓上花穠笑欲呼

豐橋即古吉田此句本俗語

一騎春盤紅叱撥八橋

水膩紫菖蒲

在五中將詠唐衣處

搖鞭爲唱唐衣曲抵得風流在五無

又偕樂園席上分韻得山

英雄遺迹入幽攀立馬參雲尾樹間野水茫茫連駿遠  
刺天如戟信中山

明皇秉燭夜游圖

太真夜邀韓國姨借取奪月光千枝三郎笑召高力士  
竊來寧哥玉笛吹報道春酣木芍藥且趁今宵花未落  
朱衣一隊夾金蓮學士傳宣賦行樂不醉名花傾國前  
酒中臣亦空稱仙自茲三萬六千日夜夜願侍君王筵  
那知蠟炬成灰速曉見老烏啼啄屋繡襖跳梁金鑑亡  
錦袍讒逐玉魚戮翻思劍閣度崔嵬一時賞識勒銘才  
儻令此心早自燭軋牽牽干安在哉可憐重過傷心地

漆鐙虛照香囊淚輸與羌村老拾遺夜闌相對如夢寐  
鷗所招飲夜雨酣樓用其所示原韻賦謝

仙夢由君續往歡一衫如故鬢毛寒稱心事少何須說  
到手杯深且自寬人面儻應桃記得春風幸未笛吹殘  
月中乍訝飛瓊下佩玉分明步步珊

席上贈高島九峰

湘南春早想吟歡沿道梅花側帽寒斗酒聞鷗鼓腸爽  
層雲望嶽盪胸寬君有錄會望嶽歌風回德律來何晚此夕使電話迎君鐘泛留  
犁醉欲殘也好歌闌人散後誦君詩句韻珊珊

河野鐵兜三十三年祭日題其遺槩後以奠

一自先生歸道山鈞天仙響仗誰攀聽風聽水譜傳得  
三十三年魂喚還鍾子期應在身後廣陵散久絕人間  
嗟余未洗箏琶耳桓笛羸簫共等閒

題子美縛雞行後

鈿轂香塵聘莫愁一鬢百萬唱梁州可憐蠟淚成堆後  
猶惜銀牀在井頭

文章得失寸心知入世偏如蝨在禪每不忘君杜陵飯  
也曾行乞向朱門

偕樂園賦贈碧堂

聞說明來萬里塗釣竿拂徧紫珊瑚世人其故無知者

今我因之亦樂乎昨夢風濤破溟渤新詩冰雪耀蓬壺  
擊環結佩爭先覩聚米山川擲米珠

六月十八日訪嘯樓夜話予鞞爲盜兒奪去寧齋  
賦失鞞吟見寄卽以此酬之

君不見驂騮鹽車傷竭蹶夔龍風塵恥蹴躅邯鄲學步  
嗟未工荆山抱璞動憂別胡爲還著烏皮鞞紇梯紇榻  
朝市過未叩朱門老先達肯羨新貴雙鳴珂惹人眼怪  
不自戒況向君家醉稱快任教畢卓甕頭偷豈意穿窬  
來戶外平生脫略悔慢藏使我頓足空彷徨雙鞞滅迹  
躡不得譬如欲渡河無梁阮屐一生能幾著去年大縱

九州樂看徧大江南北山便以此鞞代芒屨將欲踢翻  
鸚鵡洲酒爲江水糟爲丘不然跌破瓦官閣如山白浪  
踏卽休千載青蓮知此意謝君好句頻見寄卽今甘受  
鼠輩欺庶償力士脫鞞恚魚服見困眞可憐葵能衛足  
誰刈焉自今不衫不履不出戶只願一醉跂脚南窗眠  
題焦爛餘稟後霞庵囑

天惜良工獨苦心忽然一炬意何深與君大是方便處  
焦後人纔重爨琴

笑我閒評語太陳恨他不早化爲塵絕無中窾成何濟  
也似焦頭爛額人

七月六日玉池仙館翦燭集卽賦兼寄禾原

襟期同赴玉池家雨色滿庵如罩紗蕉葉綠酣纔作樹  
石榴紅謝更無花微微魚影吹萍小歷歷煙絲出竹斜  
卻憶紅南賀梅子斷腸好句唱天涯

十二日雙芝仙館翦燭集賦此其二章則偶志感  
臆爾

幽期復此款林扉夏木千章綠四圍昨雨浸牆瓜蔓水  
清風拂檻芰荷衣翩翩勝侶同皮陸曲曲名園媿杜韋  
脫略恰宜冲澹景一鵬叫過未言歸

一年纔臥草堂居翦拂途窮感有餘夢寐雖然契丘壑

江湖未易混樵漁寄資深愧煩揮橐避謗應須廢著書  
無奈詩人閒活計平生祇解註蟲魚

席上分韻卽景

細細簾波看欲無一絲涼意裊蝦鬚忽然風曳夕陽磬  
如水綠陰啼蟋蟀

中元玉池一半兒社雅集率賦

烏佛龕前陳酒漿孟蘭同此捧心香星明全舫露華重  
月白初筵人語涼薜荔古魂呼欲出豆瓜秋味讓先嘗  
便知壺碟風流會半代前賢作道場

湖心亭賦贈姚賦秋

文藻

去年申浦看花狂皓齒明眸粲作行儘使酒家眠李白  
終知國色屬姚黃鏡前儀態勞追憶海外風情費較量  
今日白蓮池上見讓君豪翰擅當場

又賦贈劉問芻

學詢慶篠珊

瑤禽若木拂枝回盡道人從北闕來鶴首雲低連渤海  
龍鱗日麗關蓬萊結歡自仗同文誼壽國齊須借箸才  
一笑樓蘭誇電速看朱成碧謾相猜

上村賣劍招飲星岡茶寮卽次原韻以謝

客土逢秋醉亦奇鬢絲絲冷與禪宜蕙蘭儘可美人佩  
風雨欠懷君子詩閑角雲垂鏡在水林梢磬歇月生祠

分箋同領苦吟味早有茶煙一榻知

古中秋夜星网翳燭集送水野大路游清國

和雨蟲聲亂似絲暗風吹溼桂花枝燈痕隔樹微明滅

月意隨人暫別離離鵲朝天盤有勢大路此行與加藤星使俱先游北清芙蓉西

苑瘦經時時傳清國慈皇太后有疾送君偏憶津門夕穆穆波生酒一卮

去年中秋在天  
津月色殊皎潔

十一月一半兒集席上觀先君子舊題即用其韻

志感

把臂逢君心忽舒應同月魄遇霜蘇屐屐誇謝客平生幾  
家免相如四壁徒白髮烏闌舊題賸夜燈秋菊一屏隴

尋詩茫若炊梁夢我是邯鄲道上盧

陰曆十月既望雙芝仙館翦燭集分韻得陽即寄

懷水野大路

料識伊人回首望蒹葭經別露蒼蒼碧虛窗敞星流戶

時有流星之異白玉盤寒兔擣霜十月筐牀秋蟋入半林楓柏夜

烏藏懷君赤壁扁舟後也趁空明一片光

近藤氏招飲對潮山館席上賦此

羨君日與白鷗馴更拉應劉作主賓滄海平臨新別墅

青山長駐小陽春鏡中煙浪葡萄碧畫裏雲巒眉黛勻

笑遣嬋娟雙侑酒楓人一醉倍相親

庚子

上日大磯散策

信覺吾生未有涯出門一笑醉堪賒浮雲大麓微將雪  
淺水平橋不見花罨畫山隨波影皺尋詩草印屨痕斜  
乍聞黃栗留初轉風颭春旗是酒家

試鐙之夕雪門會席上分許瑤光雪門詩草元旦  
詩鐙花紅裏過元宵爲韻得過字

白雪滿吾門陽春從寡和梅含一笑媯堂帶七星過香  
影任橫陳圖書供坐臥觥籌愧玉池仍借佳人佐

紀元節日三橋府丞星岡招飲席上次其見示韻

禹貢九州游未閒讓君面目認廬山花應白傅船中笑  
人自隨園宅裏還漢上客襟春水映金陵佳話夕陽慳  
無端唱到琵琶曲恍在潯陽上下間

兩日陪春畝通侯觀梅水戶偕樂園卽景賦呈  
好文涵德邈前賢萬樹梅花遺馥傳倚竹伊人仍在水  
崇朝其雨細于煙梁園儼見鄒枚館裴墅幾陪劉白筵  
此日從游更懷古看公偕樂亦憂先

三月四日玉池禊醮邀飲清國文芸閣學士廷式主  
人有詩卽用其韻賦似

花光疏若星竹氣綠于萼夜翦玉池鐙笑邀影娥酌主

人工墨梅橫斜罨几閣延客苔蕭蕭印霜履橐囊飲  
春猶寒勿令酒力薄曆日壺中殊盍訂浴蘭約明鼓墨  
江權如在山陰郭游戲倚仙裳不數宛與洛煙雨儻阻  
期長嘯破雲廓

永井禾原招飲香雪軒與文芸閣學士相見以詩  
代話寫我胸臆語無倫次也

春杯綠瀉瀛洲影百疇新鶯羣引領若有人兮蹈海來  
花穠雪聚神山境香雪軒頭爭擊環兩行紅粉明妝靚  
玉簫金管動須臾換羽移宮惜俄頃乃知哀樂總無端  
四坐勿誼燭耿耿我歌朱鳥悲不禁近聞禹迹海降胥

南金東箭紛辭朝北虎西狼或問鼎看君濯足猶滄浪  
安知洗耳非箕穎方蓬信美春漸酣謂爲吾土殊多幸  
幾人慟哭問廬陵夢見江山淪是島

十一日觴芸閣學士于墨水之上仍用前韻

春旗楊柳一般影與草青青上衣領紫驪蹀躞吾妻橋  
令人宛在大隄境接羅倒著來不迷認取雙峰眉黛靚  
聞君搖鞭將背花攔街且挽須臾頃此鄉大樂且住佳  
河嶽英靈氣清耿書亦可讀秦火前仙山自古絕災眚  
黨錮謾挂甘陵名神姦誰鑄夏后鼎興酣起作渾脫舞  
當筵美人壓臨穎鯨魚作膾日飽嘗載酒問奇吾更幸



同文須此磊落人爾雅平生陋理昂

四月四夕借樂園席上用李長吉江南弄韻送土  
居香國歸任于西京

春風蕩漾銀觴波玉山須共頽嵬峩竹不如絲肉勝竹  
誰繪古歡上蘭幅李白尊中置千斛謝公東山妓衣綠  
與君願醉鴨水曲相邀玉池人似玉

曉望嚴島

水殿雲廊指顧間明波如鏡寫雙鬢煙中歷歷春姿綠  
窈窕谿巒七里山

登熊本城

登臨落日滿城阜形勝雄思志氣豪銀杏燒餘黃未朽  
金峰雨後碧逾高廿年早作千秋想一將誰憐萬骨勞  
洗馬川頭絲管咽猶疑戰鬼哭空濠

熊本行德拙軒酒席上賦呈

名山相對揖羣賢愧照玉壺清一川猶幸作詩身未瘦  
公然飯顆見青蓮熊本有飯賴山

古柳橋翦燭集分韻得留是日適值陽曆端午予  
方自九州歸

杜鵑啼後綠陰稠一客新歸自九州洛下鶯花詩夢歇  
鎮西山翠酒襟留幸逢楊柳雙橋豔免作菖蒲六日愁

卻憶淞濱人競渡吳船那得賦重游

席上次禾原韻

料識厭厭眉不舒忍將小照託雙魚櫻桃紅瘦天香閣  
腸斷蕭娘訣絕書

古端陽後一日星岡翦燭集分韻得微

雨罷鶉聲聽亦稀春痕猶自在吟衣雲生石罅苔三徑  
風約歌絲水半扉梅子纔圓端午過夕陽如線綠陰圍  
笑吾暮景斜將近艾葉榴花醉未違

席上和三橋原韻

琴對知音撫詩須翦燭論筆先新意在指外古聲存振

觸絃何冷留題壁已昏休臨流水照怕見鬢絲痕

東宮作儷大禮慶成後三日赴荒川圖南太守

義

梅園書屋之筵席上分韻得浮

霓裳同日許賡酬正值春坊賦好逑五月祥飈回雉扇  
三朝華曜照龍樓相邀太守醉天祿深幸詩人拜玉旒  
更喜東台山翠裏坐看蓮蕩錦鴛浮

哭水野大路雙芝仙館翦燭集席上作

宣化臺疆數首功歸轅攀斷水朝東而今八百孤寒淚  
重灑南天海瘴紅

聞臺海官民思君  
功績設壇致祭

燕都落日薄虞淵并爲傷君哭暮煙一笛鄰家同入破

此聲那得不淒然君去年漫游清國獲病而歸今日形勢一變燕都被圍警報迭至

襄谿吟榭淚闌干賸有餘樓妙墨殘扁字匹如吳季劍

傷心挂向夜臺看清國命曲園送到襄谿吟榭四

對酒無言意少恫晨花夕月記游從豈知翦燭雙芝館

悵聽傳通院裏鐘君葬傳通院

曼殊宮闕式微歌五章

清初達賴刺麻上表稱曼殊師利大皇帝曼殊者滿洲轉音也頃得七律五章無可命題因取篇首一句名之

曼殊宮闕式微歌聽我歌終喚奈何豈有禍氛揚虎旅

誰令政柄倒龍阿一團盜賊潛朱邸十國弓旌蹙玉河  
二百年來無此劫鬼車血濺泣銅駝

南苑鳴鞘轉翠旂大紅門外草萋菲前朝此泊名飛放

列祖曾經看打圍南苑即南海子元之飛放泊也順治康熙間為圍兵校獵之所拳匪初屯於此驚說赤眉驕禁

藥回看紫闕黯宸暉上林忽作逋逃藪無數鷹鷂餵肉

歸

礮火津門遂不支積骸如莽水流遲操戈只有官相煽

罪己曾無詔自悲紅粉哭隨黃髮隊青燐走市阜雕旗

生靈豈與他家事早下天兵十萬師

蟾蜍秋作玉泉音萬壽山幽月亦陰悔極仍尋舊窩兔

禍來難保覆巢禽肯貪章獻臨朝久纔信金輪誤國深  
霜鬢三年訓何政頤和園裏獨霑襟

回首瀛臺淚自潛芙蓉太液露斑斑木蘭秋獮知應近  
文廟龍髯不可攀他日傷心賸焦土當時繭足走荒山

成豐避難時文宗患足疾扶拐登輿見英國人雪印霍手記 蒼茫吾意何人喻曾識清皇慘戚顏

中元湖心亭齋集追悼杉浦梅潭

誠

湖山把臂想歡顏  
錄曲闌干水四環  
涼思驟于荷葉雨  
騷魂招在夕陽山  
鐘聲上野林  
巒窈鑿火中元  
薜荔還晚翠  
坵壇誰作主  
石橋回首淚潺湲

江門耆宿故無雙  
三百年詩殿大邦晚  
愛護園明代格

晚年喜讀明詩

少傳谷社宋人腔

楚辭白髮同  
紉苴

臣讀楚辭之句

蘇集丹鉛為別釘

儻把遺文編  
感舊豈

惟珍惜比雞缸

借用朱竹垞感舊集序中語

安田秦堂義直自杜陵至招飲湖心亭即景口占

雪藕調冰湖上頭  
宛然仙侶晚同舟  
杜陵詩客滄洲興  
肯說長安丈八溝

眉月娟娟碧玉壺  
吟成擊鉢莫踟躕  
風荷不用催詩雨  
跳起清歌一串珠

和種竹偶占見贈

別調孤絃早息彈  
謝君一笑與聯歡  
詩人離合關昭運

世局升沈入達觀鼓海濤音諧甚寡除名教罪究須寬  
停琴同翦湖心燭風雨雞鳴興未闌

永井禾原來青閣翦燭雅集有感次壁幅金粟女  
郎詩韻

雨打斷腸花瘦姿匹如鄰局強支持燕臺狼藉無人見  
淞水驪歌我所思夢裏九州鴉片劫圖中八豔色絲詞  
畫闌桂樹依然否誰似天香是舊知

玉池一半兒集四壁皆墨竹如助主人畫梅之興  
者即景口吟一絕

碧廊無月宵生煙疑有霜聲簌簌傳儻補一枝斜更好

此君叢在玉釭前

以李太白集下酒醉輒成句

太白從容法度中飛揚跋扈爲誰雄儻教人品同詩品  
不合垂輝獨古風

詩教斤斤莫妄談曰仙曰聖兩無慙千秋魯論分明在  
隻字何曾闕老聃

不解論詩葛立方輒言致意在綱常豈知一曲清平調  
雲雨巫山枉斷腸

詩人榮悴費沈吟意氣須從白也尋抵死錦袍明月下  
依然豪是脫鞵心

飯顆瘦吟工亦窮致君堯舜志終空可憐長在西川幕  
但得蹉跎效小忠

種竹峨眉山房分韻賦贈

九州回首忽烽塵豆剖瓜分陪愴神無數奇書無數石  
清時又有袖歸人

秋盡日正值先君子忌辰同裳川展經王寺墓塋  
適石埭賦一律見貽因用原韻卽以志感

殘瓢同酌慰幽寥酒漬苔花淚暈潮香篆與心偏自結  
塔鈴無語只微搖十年墓道楓林晚一夢人生薤露朝  
多謝黃公壚下客停車還把醉魂招

赴酣雪亭翦燭雅集之期途上晚雨將霽回望禁  
垣煙樹如畫口占一首

待放殘陽一角明溼雲如墨晚寒生鴉啼半幅橫披裏  
水樹青紅雨滿城

席上次東木道人題畫韻贈手島海雪

知德

野哭茫茫水亂流半船書畫夕陽頭傷心東木道人筆  
未寫金臺戰後秋

臘八雙芝仙館翦燭集分虞道園臘八七律中白  
頭長與青山對句爲韻得與字

飲酒不求身後譽作詩豈有江山助燭枝羞照影頽唐

杜甫口號多漫與

又次船山臘八日詩韻志感

自從一覺揚州夢欲覓茶煙颺處家世事浮雲空想像  
鬢絲今日幾歎嗟消寒滋味尊中酒過臘心情窖裏花  
猶幸牧之狂似故怨牛黨李任誼譁

又限韻真

入門山石瘦嶙峋知有僧廚在比鄰木落林疏初見寺  
粥魚聲裏夕陽新

佛火黃昏大可親吟袍幾度檢征塵舉頭似拜南都塔  
皎皎月明如意輪

時夢山游南都回

十五日玉池一半兒集用石埭臘八後一日海禪

寺詩韻

歡場蹤迹易離奇誰道風情不可瀉坐上應如今日事  
筐中已是古人詩酒鉤歌扇無聊夜老佛名花解笑時  
我亦十年愁未懺怕聞臘鼓鬢成絲

龕壁揭左文襄風傳畫角孤城晚月滿寒江夜笛  
高一聯分韻得青

疏竹夜明三兩星梅花忽已到窗櫺孤城風角寒江月  
并入無聲詩裏聽

招飲種竹裳川用壁幅金邠詩韻

湖海雙名士元龍百尺樓吟牀無上下韻語有陽秋雪  
意先梅動橙花入酒浮莫辭投轄飲十斗換貂裘

除夕祭詩龜觀清國慈禧太后福壽兩大字扁歌  
承平燕市曾一見屢赴朱門甲第醮和碩王府中堂衙  
焜煌寶墨表殊眷云是拜賜頤和宮太后御筆真天工  
草隸八分隨意灑翎毛花卉可憐紅乃今福壽斗大字  
忽然流自天涯至自非亂離那得看龜壁淒涼燭垂淚  
天寒月黑歲將除主人拂拭敵軒疏借資一夕祭詩料  
可歎兩朝同治光緒聽政餘泣攜天子下殿走慘澹雲旗送王  
母纔免降表親僉名龍蛇筆陣忍回首君不見驩虞苦

短日西斜漢時唐陵啼暮鴉何物人間閒壽福生生莫  
嫁帝王家

席上次種竹韻

醉覆今宵守歲卮春風提挈願同嬉媿妍翡翠雙牀筆  
奪彩珊瑚十丈枝且鼓煙波淞水權欲催金粉秣陵詩  
故人足迹多超海敢效逃禪繡佛時

石同磊落瓦同全免被洪崖來拍肩看似清狂猶故我  
絕無聊賴是今年除非窮相成何鬼爲有爭心不作仙  
儻問本來真面目嗒嗒屢舞綠尊前



槐南集卷十九

槐南集卷二十

東京 森大來 公泰

辛丑

歲日聞鶯

更始詩期持戒清初梅小閣又新正春風第一禪將破  
花氣熏人有語鶯

春日游仙詞

金仙玉女曉扶將拍手蓬萊初日光碧海簇霞裙一幅  
陽春有脚比人長

和寧齋丑年羊日詩韻

交道何其澹花香不耐濃坐中誰說劍飯後獨聞鐘天  
下詩如雨人間酒滿鍾春風公等在我念歲寒松

又和其次鷗所韻

雨雲翻覆態不忍說從頭蝶外夢非夢屋中樓豈樓輸  
心當面笑把臂入林愁酒客與生客相同胡越舟

又和其次賣劍韻

詩元空卽色酒是聖之清不飲君須去言愁我亦生梅  
應他日落笛有故園聲歸見妻孥俊伊人未免情

大江敬香花月會席上分韻得咸

強扶醉態換春衫懷刺雖磨口未緘漸覺人情分冷暖

誰尋詩味到酸醜孤山梅讓林逋隱空谷蘭防蘄尙讓  
眞箇忘憂何日是開年纔得一杯銜

二月一日花月會分韻得歌

釀雪尖風任孟婆揚州俊煞水曹何誰知草甲能孳早  
較覺花枝欲動多閒對紅鐙製新謎偷凭煖閣教清歌  
箇儂別有消寒法到手連傾金叵羅

內野皎亭

梧

菊池惺堂

晉

招飲香樹園分韻得虞

憐我高陽一酒徒梅花雖小笑當壚蒼苔幽仄三三徑  
紅雪分明九九圖堂上山疑起煙霧

壁揭徐  
仿山水

門前水任渺

江湖欣然來赴消寒約買斷春風在玉壺

又分得菰字

來醉橐駝宅壁揭雲山圖徑欲畫中去如入壺公壺異  
書五六帙奇花三兩株安知瓦盆石非洞天仙區何當  
刺舟往香飯炊雕菰

二月星岡雅集卽賦七律二章

春風折簡敞騷壇休笑吟人供張寒經雨茶煙霑小閣  
勒花冰雪綴句闌乞資未效誅茅計請客端憑釀酒歡  
安得普天詩眷屬千間廣廈共團欒

癡願于今慕杜陵居然寒士學蒼蠅刷憐鏡裏雙蓬鬢  
傳愧家中一法鏡濁世波瀾驚反覆明年四十想飛騰

扶輪全仗羣賢力看使熙朝雅頌興

股野藍田太守琢招飲偕樂園蒙示鎌臺懷古松

江唱和之什卽次鷗所原韻賦呈

春風醞釀綺羅天世界鶯花現大千謝客好游才本軼  
劉郎懷古句新傳擬追閩苑鶴聲後恍在松江鱸膾前  
更羨明朝詩有畫湘南山影倒垂煙

二月玉池一半兒集分韻得南

玉池燭跋酒方酣春印梅花月一潭欲聽龜年扶醉影  
相思紅豆唱江南

三月一半兒集分韻得青

夢攜俊侶向西泔湖上一襟詩影青嘯入萬梅花裏去  
鐘聲引月出南屏

豆腐詩次先大人遺篇原韻西田春畊囑

先生苜蓿亦堪誇不數公羊賣餅家持比吳蓴味逾媿  
看如崑玉割應奢淮南雞犬與資酒鄴下豆萁并煮茶  
更憶調羹太真乳滑流七箸淨無沙

四月七日惺堂皎亭招邀墨水汎舟觀櫻卽用太白江上吟韻以鼓詩興

萬櫻花國桃葉舟春水四面花當頭紅樓八百十千酒  
耐可十日平原留君來何遲艤青翰我所思兮詢白鷗

霏紅鬧到木母寺萋碧冒上王孫丘惟晴非晴雨非雨  
宛在中央雲作洲恨無夕陽散霞綺晚下澄江如練流

雙枕橋限陽韻

一雙橋影臥江鄉橋外樓深春夢長多少小梅村裏雨  
枕函吹過落花香

八日雙芝仙館翦燭集仍用江上吟韻呈夢山主人

昨汎墨沱江上舟今來雙芝仙館頭看花不飽醉不厭  
有花酒處連日留先生臺閣憶巢許忘機久已同沙鷗  
悠然坐對萬花放便欲挹袂招浮丘我何人哉挂凡骨